

尊周錄  
坤

卷二

リ 6  
4076  
2 17





伊6  
4076  
卷2-2

真尼金

尊周錄卷之四

薪膳大義

楊山趙重健書



臣謹按本朝之於皇明其父子之恩君臣之義原天理  
根人性而不可泯者縱因一時之危迫不免事昆之辱而  
金珠皮幣往來之際卧薪嘗膽之志宗寓於其間耳惜乎  
天心已醉北庭无覺而疆域之內憂虞叢棘誠恐終無以  
酬聖心之所欲而追寧廟之遺志嗚乎悲夫

仁廟

仁廟



都督素公崇煨府回揭文曰弊邦二百年被 列聖漸摩之  
澤君君臣臣父父子子以保其先王宗廟至于壬辰重被再  
造之洪 恩小邦無國而有國百姓無生而有生大德如天  
何日忘之虫蛇微物尚能知報况於人乎况於國乎惟是壤  
地褊小財力綿薄已未之役精銳已喪丁卯之變創殘彌酷  
生聚未集教訓靡暇痛心忍辱姑許羈縻誠出於不得已之  
計小邦固已無隱於 朝廷而閣下亦必諒察其情勢也若  
乃大義所在一心永矢戮力同仇庶效敵愾之志願何嘗頃  
刻而忘于懷倘王師丕興九伐斯張小邦兵力雖甚寡弱憑  
仗威靈鼓動哀竭于以報 皇恩而雪國恥寔不穀之願也

辛未

壬辰十二月胡遣差曰爾國待之以天使之禮可乎遂索黃  
金一萬兩 王嚴辭斥拒令諸道調兵赴西癸酉春遣金大  
乾于胡中諭以絕和之意帥臣金時讓鄭忠信留大乾於灣  
上遂上疏言歲幣漢唐之所不免強弱有所不同今不可失  
其歡意 王大怒曰金鄭等畏其喪元擅留使臣以沮人心  
予欲斬首以警衆也遂下 教曰勝敗兵家常事金人雖強  
未必每戰必勝我軍雖弱未必每戰必敗古語云志士不忘  
喪其元又云兵驕則敗今日武士若能忘身殉國則破此驕  
兵不甚難也噫人生世間無長生不死或忍辱苟生以為人



笑而猶不免於一死或死於女子之手而草木同腐莫若募  
義當前以成丈夫之志也虜之侮辱雖出於無厭之性其發  
此難從之請無非孤不賢之致言念慙醜無以為心此虜若  
或來寇寡人當進駐前路激厲將士兼慰西北軍民此意言  
于廟堂

丁丑下城後 王以計窮力盡屈意圖存之狀具一咨抵陳  
都督必冀得轉聞 皇朝又令平安兵使林慶業求得僧  
申歇者齋咨抵洪都督承時以冀一徹天鑑凡三往還始得  
回咨略曰貴國一段苦情天人共鑑即為轉達 宸聰則惻  
念遐方甚為勤切貴國歷世貞順勞不可泯雖暫迫時勢見

屈於虜中國文武方切齒軫念豈復忍督過安心協力以效  
素榆又曰賢王以英明之姿遭陽九之會胡馬猖獗荐食屬  
藩而我不能整師翦滅此乃貴國之劫教也貴藩世效忠順  
一朝行成於虜勢窮力屈莫可如何此亦 聖明所深惻也  
甲申 崇禎皇帝計聞 王自西郊飲泣還宮 臣李一相題  
詩曰日莫西郊 彩仗還中原消息涕 龍顏忠臣烈士崩  
心慟只在窮兵碣石間

己丑 臣李敬輿進謚議曰惟王不幸值陽九之運播越孤城  
終始秉義識亡不撓及至國事已去勢無可奈不得已以樂  
天之仁為 宗社生民之計萬折必東之誠曷嘗有一日忘



我臣嘗入侍 王語及 皇朝至於嗚咽不能成聲臣每思  
之肝膽欲裂式至今日天下事勢又與向日有異 練主改  
題時清國賜謚取舍亦難况他日昇祔之後 寶座相聯昭  
穆儼列而謚上二字獨有異同榮辱所關實為未安亦非十  
三年新膽之 聖心合有權宜之道

附記聞

王翰忠 天朝出於至性常嘆力弱不振而曰寧以國斃義  
當死守丙子之亂禔在呼吸而猶率羣臣行望 闕禮於元  
朝君臣上下拔血相視逮媵成遠都於馬上痛哭失聲東陽  
尉申翊聖曰 王之此心足以雪恥中興也自後每值 聖

節必就後苑密伸誠禮北望悲哀涕淚如雨嘗講詩至樂只  
君子殿天子之邦 王嗚咽感歎不能成聲迨臣莫不揮泣  
而退及至錦州之役一念痛迫如不欲生



臣金尚憲已見斥和篇姑取其有開新膽者著之

戊辰上疏曰臣伏念寒暑不輟則表褐不可廢敵國未滅則  
戰守不可忘願 殿下克厲薪胆之志增修保障之地免使  
國家再辱焉嗚乎母信一時之要盟母忘前日之大德母過  
時虎狼之仁母輕絕父母之恩誰以此為 殿下息 陳戎  
乎夫以千里為讎人役古今所羞每念 先王養文萬折必  
東之語不覺泣涕沾衣伏願 殿下念之哉



已卯二月疏曰伏聞發兵五千助瀋陽犯 天朝臣不覺驚  
惑隕涕當初國家勢弱力屈姑為目前圖存之計而以 殿  
下撥亂反正之志卧薪嘗胆今已三年雪恥復讐庶指日可  
望豈意愈往愈微事之曲從至於無所不為之地自古及今  
既無不死之人亦無不亡之國死亡可忍逆從不可為今有  
人助寇警攻父母 殿下必命有司加以王法此天下之通  
誼也今之議者以為禮義不足守試以利害論之徒畏強隣  
一朝之暴而不懼 天子六師之移者非得計也丙丁以後  
中朝之人未嘗一日忘我國特恕其亡救而敗拜戎非本心  
也今若聞我國之人為倭鬼於虎前問罪之師雷奔霆擊恍  
風一日直抵圻島則毋謂可畏者獨在於瀋陽也人皆曰彼  
勢方強違之必受禍臣以為名義至重犯之必有殃與其負  
義而終不免於死亡曷若守正而俟命於天乎然其俟命者  
非坐而待亡之謂事順則民心悅民心悅則根本固此以守  
國末有不獲其佑也 太祖大王建義回軍立二百年鞏固  
之基 昭敬大王至誠事大被壬辰拯濟之 恩今若棄義  
忘恩忍為此舉則將何以見 先王於地下亦何以使臣下  
忠於國哉伏願 殿下赫然改圖勿為強暴所奪勿為邪議  
所誅以繼 太祖 宣祖之志以副忠臣義士之望前日柳  
琳之行臣居遠事迫未及獻言茹恨在骨尚今耿耿



臣李敬輿已見斥和篇

戊寅疏曰 出城之舉言之氣塞然有可諉者抱羞忍恥以  
蓄後效亦一不得已之權道君臣上下同死社稷之外舍此  
無他天地 祖宗想亦恕 殿下矣當時 殿下亦以自恕  
自期之 殿下倘能奮發動以燕昭越踐為法俯仰無怍自  
強不息則三田之拜不為辱矣卑辭厚幣不為辱矣天下後  
世為之歎服而 天子明見為之矜憫光復之功指日可期  
無疆之休延及後嗣一時之屈萬世之伸終為英雄豪傑之  
事業矣如其不然偷安一時養成鳩毒以不可信為終可信  
以不可絕者為終可絕以權為常美假成真動違天則強拂  
人情則皇天 祖宗眷顧之意東土臣民期待之心無復在  
於 殿下矣是 殿下自絕於 祖宗臣民雖欲蒙恥滅義  
苟存國家亦不可得之矣

○臣林慶業

公字榮伯忠州人早事弓劍宦遊邊鄙 崇禎庚午以討孔  
耿功 詔賜金花甲以褒之公受 恩感激期以死報丙子  
虜寇渡公方任義州欲以輕騎徑搗巢穴而不果洪公翼漢  
被執北去公握手歎曰此真男兒事生能扶大義死可先竹  
帛虜將歸驅朝鮮兵攻檄島公與柳琳赴戰虜使公為先鋒  
公紹曰在島輜重前鋒當取之胡恐失之忽自前驅使公殿



公放開一路許 天兵既去 都督沈世魁在島死 戊寅為平安兵使奉

上旨具國咨使僧申歇密付錦州都督洪承疇 往遠 庚辰虜

將攻錦州徵兵甚急公與李浣赴戰公密令二船載申歇入

登州報曰 世子大君既為俘虜中今日之事宗被驅迫豈

有犯上之心而然哉既至且戰去九放炮以示不犯之意 始公

臨陣欲反炮既 後承疇降虜具言前後事虜大怒拿公以去

公自度比至此膝不屈則死遂從金郊驛自斃而逃賃艇西

浮欲抵登州誤泊海豐知縣繫囚之舟師大將朱文郁 補皇宗爺

在登鎮僧獨步 即申歇漢人嘉其義名以獨步 曰朝鮮將來者必是林公前

者屢使吾屬通信上國今必見洩而逃死至此矣宗爺差人

往見之公在獄踰訴宗爺復遣中軍撞破圓門拿其倅偕去

帝詔曰朝鮮搃兵林慶業該國失守之後不忘中朝屢遣

信使宗忠義貫日之人從速放送于舟師鎮知縣等次第科

罪公至登州宗爺執手泣曰老爺身在東藩心懸上國每與

獨步疊々稱賞今日相還喜不自勝夫丙子之禍何以致之

公曰此固迫於事勢計出姑息既獲罪於 天朝吾甚慙焉

本傳云公對曰深河之役虜悉索深侵掠無虛歲丁卯大舉

入寇方張難遏遂與講解丙子春上信使李廓等入其國胡

始建偽號脅令恭賀廓等抵死不屈而還臺臣洪翼漢吳達

濟尹集等力陳大義遂與絕和丙子冬鉄騎長驅不顧諸鎮

越江五日直搗京都大駕入漢山虜築長圍勒攻四十六日

孤城暈月援兵不至糧盡食馬計窮力屈士卒洵乞詰闕謹

叩曰今不可急和吾當毀城而出庶壹憂恨方議乞和恭判

鄭益以義不辱遂自到時虜兵先臨江都 廟社元孫皆被

廟社元孫皆被

廟社元孫皆被



俘獲計出姑息不得已和虜乃質 世子大君嬪夫人等洪

傷懷而以背 上國為至恨朝廷不以人物之被囚今意而

以負 天王為深痛其所舍垢忍恥蓋為宗社計耳虜既得

我國欲謀 擬島徵兵本朝曰爾所不從其有大禍朝廷新經

屠戮怯於 惡嚇以俺等將兵赴之前判書金尚憲疏陳不可

被執北去 俺等是勉被駁不忍前犯使前使金尚憲疏陳不可

鳥中欲其 豫為之備都督義不苟生全島遂陷而 皇船四

老爺之 所聞知也 宗爺曰沈世魁當朝鮮受兵不少援救朝

廷行當 強之其死非可惜嗚乎十二諸侯之中力行禮義者

惟朝鮮 而今卒困予甚惜之老爺言之於予心有憾焉為其

藉兵資 糧致陷錦州者誰執其咎公曰主將不從客將指揮

朝廷亦 不用力此所以敗過豈在我宗爺曰二百年防禦之

地豈欲 拋棄有親貴國竟以自誤噬臍何及敢問老爺何為

而至我 公曰洪承疇等以獨步往還事世之胡執我以去自

念枉死 虜庭無以報德 天朝中道脫身百死到此而虜方

係累我 妻孥每思之膽裂雖然豈顧私乎宗爺歎服不已傳

宗爺謂 公曰有賊據島方命奈何公請載旨酒至島款降島

酋未飲 極歡既醉解纜放炮船自是矣遂縛而還宗爺迎謂

曰此人 虎而 遂陳奏以聞朝廷擬封征虜大將軍宗爺築壇

有翼益 加敬 以待一軍震驚宗爺進曰何以北却凶奴西除流賊願先生

明以教 我公辭謝良久細陳方略 本傳公曰奴賊吾料之熟

連城唐 站鳳凰城三處地險城堅今老爺禱以一枝兵北據鳳

伊州蓋 州海州等處地險城堅今老爺禱以一枝兵北據鳳

城而蓋 州海州等處地險城堅今老爺禱以一枝兵北據鳳

城而蓋 州海州等處地險城堅今老爺禱以一枝兵北據鳳

六萬收 復錦州衛且徵朝鮮兵使之渡江界留屯遼截虜穴

萬曆四十六年



徒蒙古自古貪財嗜之以利使為西助如是則漢人之投虜者故於老爺東人之被虜者奔入江界西徒蒙古曰可亦皆各返其巢真徒兵威日熾是則不待一戰而遼陽可復宗爺再拜起而謝遂具奏于朝時

閣豎用事國勢已無可為流賊遂陷京城宗爺將赴難公勸令按兵觀變不聽宗爺私謂中軍馬弘周使與公共討士卒宗爺中夜前去將軍愕然望絕寧欲自殺弘周遂給公赴胡陣公欲乘船走獨步陲之胡將高山曰天以汝授余將何之公曰

吾聞弘光即祚將赴南京今為馬賊所瞞天何必以余授汝高山曰弘光亦被虜天下為我有矣汝若從我當享公侯之榮矣公曰汝輩械相我大臣侵陵我國家無道無信莫汝若也况天子蒙塵天下所共憤我欲奔入天朝殲盡凶奴

以報壬辰之愆且雪丙子之恥回我世子大君時命大譟身先就擒甘心受死不忍偷生也高山下床執手曰汝於南朝則忠矣今若殺汝不其隘乎遂押送北京中原士夫執贄爭謁公哭曰我欲報天朝壬辰之恩救天下塗炭之民命之去矣至於此乎聞者莫不流涕汗陳兵誘脅仍令剃髮公呼曰汝雖削余髮一寸丹心死且不渝汗曰誠言汝志公曰吾志無他不事二君夫天位大寶而汝假帝號汝亦豪傑今事汝富貴必至忠臣殉節豈移心哉汝若送我于南朝則我當思報汝不聞關羽之報曹瞞乎但汝之豪傑詎及曹操不然而送之本國亦幸矣汗曰汝不忘南朝忠誠至矣非特人臣



於汝觀感於我心亦有憾焉然放席遺患我豈為之乃械送  
本國 上有台對之命望闕而卒 賊臣金自點在相府以公  
之命且誣以曾討賊器  
遠加刑而致復

肅廟朝追贈兵曹判書謚忠愍 附按將軍忠義貫乎日星其  
在登州說話發明本朝心事

甚功益可嘉尚第本傳  
語多訛誤今改正如右

○臣曹漢英

公字守而號晦谷昌寧人丙子以後常懷憤慨及登第感燕  
昭金臺故事有詩見志已卯為持平時 上候不豫 世子  
得暫歸而虜以 元孫去公憤然出涕曰是將舉族北轅耶  
遂進囊封萬言 上留中不出有奸細者洩之胡中辛巳虜

執公及金尚憲以去既至脅問甚威公答曰我論我國事非  
有他也胡累問公答如初諸酋皆怒論以死科而猶相顧歎  
曰此人爽爾 猶言遂拘幽凍館令朝夕俟死公日與金  
公賦詠自遣 今有雪窖錄  
三百篇行世壬午春歸界上癸未始得還  
孝廟嗣服頓蒙知獎以迎虜時降屈大甚疏陳 主辱臣死  
之義 上曰士大夫氣節當如是 顯廟庚戌卒

○已卯封事

南漢之事尚忍言哉以千乘堂之國行三尺童子之所羞  
以 祖宗之禮義邦為犬羊之藩臣位其所隱忍而就此者  
是豈甘心於裂冠毀冕而專意於奉表脩貢哉將以動心忍



性增益其所不能期於復大誓雪大恥也臣謂出城之後君  
臣上下飲泣沫血日夜碎礪治吳之舉不出三載而入郢之  
辱庶幾一洒矣朝廷方姑息偷安未有懲創悔禍之人惟以  
竭力以事敵求媚以乞憐為萬世不拔之業惟彼變詐百出  
溪壑無厭責之以必不可能迫之以必不可從噫其真虎狼  
也哉今以出還世子愚我以脅令入送元孫大君此其  
心不難知入于彼者難可出而出于此者猶外府故也就令  
并為入送之後託以上候平復旋趣世子則今日朝廷  
孰敢抗義還我元孫大君而後東宮可入乎其勢將至於舉  
族北轅而淪陷於異域矣况元孫特襁褓中一塊肉氣血  
未完膚革未充今忽觸冒風雪入玄冰慘冽之域能保無疾  
寧有是理如使程嬰杵臼之徒立于朝廷其忍環坐越視而  
不為之救乎有識之士皆以為國無人焉良可痛也如彼閭  
閻士女之係鹵莫不贖還公卿子弟之人質多以疎屬而獨  
殿下三子一孫無一人在膝下古所謂願勿生天王家者以  
今觀之愈信臣言到此不覺胆裂而氣塞伏想殿下當作  
何如懷也曩者王侯違豫上下臣民抱骨仰屋而尚有一  
縷之望者惟此二元孫岐嶷之表保全於危難之中可見天  
心不絕於李氏而天未絕之我乃絕之殿下一身孤立於  
上臣恐倘有意慮所不到之虞則有殿下國家者非



殿下之子孫也嗚乎五千沘舟之役又出此時驅了遺之殘  
氓助寇警而攻父母賊天下之大義陷不測之死地人誰有  
樂赴者乎人情之所不欲而強驅之可保無倉卒之虞乎臣  
竊觀自古創業之君自有立國之基而子孫失其守則亡矣  
故魯秉周禮未可以攻漢棄節義遂至於亡唯我 國家  
太祖大王舉義回軍以創大業 宣祖大王至誠事大復致  
中興其立國之基可知已今失其守則非但 宣祖在天之  
靈盡傷於冥之中抑恐國家無以自立於天下也縱緣強  
暴之所逼不得自由將何以逃不義之名於後世哉古今天  
下未有臣事醜虜而終免不測之禍者劉豫之事前鑑足懲  
與其民力俱竭舉族北轅而終亦必亡無寧早為之圖免貽  
噬臍之悔臣竊觀我國人心雖愚夫匹婦莫不忿惋慷慨願  
與賊一死而頌者 元孫之發行也傾都溢郭莫不叩心籲  
天欲百其身此莫非 殿下無失德於民而 先王滂沱之  
澤人人者深也人心如此何難於復警 殿下何不及此  
世子終到 元孫未入之前下八方哀痛之教羅五千舟師  
之役 君臣上下先入江都分遣諸將各據形便以待之則  
賊少出兵而不足以害我大出兵則恐 天朝之議後必進  
退狼顧羞畏乞和 嬪官可遠大君可歸大誓可復大恥可  
雪而中興之業于 先王有光矣



臣俞樾

公字典叔杞溪人已卯為司諫時 上候弗豫 世子得暫歸而虜以一元孫去公上疏極陳新胆之義 上嘉納之

密疏

古人不云乎才不借於異代舉一世无人才臣未之信也今臣僚之不顧利害盡言不諱者乃是愛 殿下而忠 殿下也察其可堪大用者委任勿貳以 殿下 一洒之志豈但已也不然而授首強隣死生惟命 春宮大君并被拘質五歲元孫未免北轅從前乞憐之效果安在哉幸今天誘其衷脫還有期難得者時惟 殿下深惟遠慮毋使再誤焉若 殿下自下城之後堅定此志保守封疆捍衛根本隱然有難犯之形則禮節可更歲幣可減 春宮可還也兵糧可不助也此志不立畏懦擾棄苟冀姑息僥倖目前皇天安得不怒民心安得不怨伏願 殿下益奮有為之志

○臣姜碩期 蒲月塘

公字復而始興人丁卯降俘弘立引胡使來要盟公上劄陳金元愚宋故事請斬弘立具陳備禦之策前後凡七劄辭乞激烈戊辰又陳章請專意兵事毋忘在莒之憂丙子在江都欲自裁為 嬪宮所持不果錦州舟師之日公陳說大義使林將軍慶業通告于陳都督弘範復與僚相密議候問 天



朝未幾事泄五臣逮去有為公恨者公曰以此被褫雖死亦無愧也

○臣閔聖徵初徵

公字士尚驪州人壬申為西伯金奴謀犯檄島潛師夜至欲借船以濟公單騎馳往見其將曰我國於爾國兄弟也天朝於我國父子也其輕重何如胡將不敢強而退壬午奸人流言潘中謂公及三四名大夫心在南朝清人大怒拘執北去公辭氣直截終始不屈虜義而還之

○臣李必行

公字而遠廣州人東臯公浚慶之曾孫素慷慨有清名直節丁丑媿成公以前相禮退居驪州村墅永矢自廢杜門不出自號天微居士人稱雷谷朝廷高其義直授公應教公終不起臨終命子弟使於銘旌署以相禮幸其為崇禎時也肅廟因大臣諫白命贈吏曹叅判丙子錄載不仕者教人而以公為首

○臣尹文舉號石湖

公字汝望八松公煌之次子丙子春上疏斥和南漢媿成後遂歸尼山鄉庄託以脚疾不肯仕

○臣李珣

公字雲舉人本居全州丙子後隱于任宗之雲岩以終



世拜獻納不赴以前任王果自稱鄉人立祠祀之

○臣李涇

公字 延安人父時時丙子後屏居洪陽遂自廢不仕以前任橫城稱

○臣宋希進

公字退之恩津人丙子守清河聞媾成痛哭悲念遂棄官歸徜徉邱園以終

○臣蔡以恒

公字士常世居咸昌丁卯赴難上章請誅弘立丙子起義旅未及團束而媾已成遂屏居以終仕止庶尹

○臣沈之漢

公字子章青松人號滄洲鈍庵公先彥之玄孫丙子春上疏斥和後以承旨出補延安虜使至當迎送公慨然賦詩有仲連蹈海元亮歸田語投紱歸

○臣任統

公字子澗西河人戊寅虜酋徵兵本朝擬公元帥公慷慨不食曰雖死不可行果免後從世子卒於燕山官止叅判

○臣李明漢

公字天章號白洲月沙公廷龜之子丁丑後與金公尚憲李白軒景奭崔暹川鳴吉鄭陽坡太和閔公聖徽林將軍慶業



密議中景復亦與議遣僧申歇奏聞 天朝壬午因賊娃陰訐被執  
北去前後問詰公不屈不懼遂徵千金遣公歸

○臣鄭太和

公字園春號陽坡東萊人文翼公光弼之後嘗為閩西按使  
與兵使林慶業議送申歇慮其泄漏佯載糧餉密授機謀  
孝廟時遭遇累盛 上嘗稱之曰有智慮識事務領相為然  
凡於大義謀畫輒與講究為公協贊 聖猷終始不怠  
上倚公甚重計於舉義旅西入之日使公居留委以鎮拊轉  
餉之責云

### 孝廟

誌文

有明朝鮮國 孝宗大王 寧陵誌 崇禎己亥月 日 臣某官某謹製

王以聰明睿智之聖有撥亂反正之志臨御十年克勤克恤  
未嘗一日或怠海隅舍生方此致踵延致以望功成治定之  
日乃以己亥五月初四日 禮涉壽四十一嗚呼天之迫於  
氣數之屈伸而生大亂亦必生大聖人以撥之將降大任於  
是人也亦必窮厄其身以增益之故王誕降之夕彩氣呈瑞  
生九載遭丁卯之難十八歲而遭丙子之亂仍質于瀋陽居  
八年始得東歸旋入燕京見 大明灰燼前後二十餘年之  
間天之憂戚 玉成靡所不至遂由次適而升 儲位由監  
撫而履至尊 王心知天意有在不敢自暇逸惟修德立政



日不暇給嘗語宮僚曰漢之文武孰勝帝曰文帝勝王曰武帝不忘平城之憂武帝勝嘗講蓼莪詩悽咽泣下曰詩本性情信矣况予先恥未雪至痛窮天者乎始宅宗首起金尚

憲身任大義常拘執在北奸人以此媒孽之禍將不測王應機善事以得解後亦眷向不少急嘗曰宋神宗歎無人材而不用二程何也又嘗論朱子造臣曰朱子生南渡時志在經濟蓋欲人君正心克己養兵養民之外了無一事以問之也王曰宋有程朱而不能用今不能推行其道豈不復為後人所恨也又曰君臣固難信任將尤難韓信曰漢王言聽計用雖死不易人主苟信用臣豈有欲去者又曰每念

宋高宗有宗李韓岳而蹙處江南不能進一步未嘗不悵然太息也王將修舉廢墜振起頽綱以挽回世道以克酬聖志之所欲者卒未能就嗚乎且以文王之德百年而崩猶未洽於天下况形勢之難易又萬一於殷周之際者天之降壽又不及文王之中身哉嗚呼痛哉三代以下惟功利是尚故多愧於天理民彝惟王正誼明道無所計較故聖志克定卓然如青天白日罔曰不克罔曰民寡惟厥心厥事是既是慎有欲勿治兵食者王曰至痛在心日莫途遠又歎曰古語一二臣同不為無助無則大小數同惟目前是置誰與我共此者故時有荆南幄對之賜其沉機妙美有非人之



所可窺測者秉天理明聖學正王法伸大義以繼春秋大一  
統之業以不負皇天生聖之意者豈非建天地而不悖質鬼  
神而無疑者乎卑服康功節乎文王發揚蹈厲恐不逮事象  
乎武王信義彰著昭烈近之弘夫鉄杖瘡痍豪英而齋志不  
伸惜乎宋孝宗似之此則時勢然也 王在燕忽見五彩盈  
室神龜出現昔禹治水天乃以是錫禹王志業成就則將不  
在禹下矣奈何天示之兆而不畀之壽乎使天下萬世不得  
受其賜歟孰謂亂之可治變之可正而陽不可終無歟匪風  
下泉之終於變風其義安在豈所謂天不勝氣教之屈伸而  
然者耶雖然建皇極之正明人理之晦其正大宏遠之規日

星乎中天以遺我 聖子以基億萬年無彊之業則其與地平  
天成萬世永賴者未嘗不同也嗚呼此可以少慰臣子無窮  
之痛也

顯廟備忘記 附

曰先王痛慨時事禮羅俊賢託置心腹交修道義期挽斯世  
於三代伸大義於天下此平日樹立之宏規大範也而今行  
狀臣李景奭製進 不甚舉論不可不特加明白寫出傳諸來世爾

臣謹按誌文製進後領府事李景奭獻議曰當此百罹之  
辰宜存語洩之戒云：戶判許積陳劄曰臣頃見誌文歎  
其立意之得體而尚恨遺辭之或欠痛快即伏見下都監



真唐錄  
淨本比草本多所刪改尤不勝慨然之至嗚呼先王臨御  
十一年未尚一日忘平城之憂大業未就中塗薨殂此  
東土含生窮天極地之痛也嗚呼志不伸垂空文已不  
禁忠臣志士嘔血欲死之心今乃并其文而沒之豈不痛  
哉先王豈不知燕小力弱而猶奮發大義今殿下反  
不敢書其志之所存於掩幽之文孰謂前聖後聖其揆一  
也嗚呼受先王骨肉之恩者莫如臣也念及揄揚之失  
真益覺悲痛之填膏伏乞聖明深加意左叅贊宋時烈  
又進劄曰程子之言曰一髭髮不相似便是別人容貌尚  
然况德業乎上遂命不謄不印以為防慮之地文用初本

云

御製詩

怨尤那敢及天人自愧無謀到死濱此日不堪燕質泣何時  
復觀漢儀新心懸鳳闕頻驚夢苟切龍庭厭見春回首巖廊  
樞密地昔年髯掃尚冠巾

又

我欲長驅十萬兵秋風雄陣九連城指揮蹴踏天驕子歌舞  
歸來白玉京

獨對日記

臣宋時烈

己亥三月十一日召對于熙政堂上曰諸臣皆出獨吏判



留身諸臣既皆趨出 上令中官洞開門戶然後上曰汝等亦皆屏遠處既而曰每欲與卿從容說話等待屢日終無其便故今日決爲此舉庶幾罄予所懷 上因喟然曰所欲言者當今大事也彼虜必亡之勢前汗時兄弟甚蕃今則漸已消耗前汗時人才甚多今則皆是庸惡前汗時專尚武事漸廢頗效中國之事正朱子所謂虜得中原人教以中原制度虜漸衰微者也今汗雖曰英雄荒于酒色已甚其勢不久虜中事予料之熟矣羣臣皆欲予勿言治兵而予始不聽者不知何日是好機會來時故養精炮十萬愛恤如子真爲敢死之卒然後俟其有釁募直抵關外則中原豪傑亦豈無響應者乎虜不事武備遠瀋千里丁無操弓騎馬者似當如入無人之境矣且以天意揣之我東被擄人不知幾萬而虜皆置之遼瀋天意似欲使還爲我用矣豈不有內應者耶今日事惟患不爲而不患難成對曰 聖意如此非但東方之幸實天下萬世之幸也然難平者事萬一蹉跌有覆亡之禍則奈何 上笑曰是卿試予之言以大志舉大事豈可保其萬全也大義既正則覆亡何媿蓋有光於萬世也且天意有在似无覆亡之憂天之賦於予省不甚昏庸早使予遭罹禍難增益其所以不能且使予早習弓劍戰陣之事且使予出入彼中熟知彼中形勢及山川道里且使予久處彼中無



有畏懼之心予意以爲天意於予不至邈如此也然今臣僚無可與共此事者予年漸高居常忽忽不知生之爲樂也自卿上來漸有好意思卿亦孤單是可慮也然予與卿志同意合則自有同聲相應之人矣予以十年爲期則予年五十矣十年內不成則志氣漸衰無復可望矣世子甚賢溫良仁孝實是守文之良主生長深宮不知兵事不可強以所難責之大槩此事不能於吾身有爲則將不能有爲矣今予絕戒酒色不以近身每覺心氣常清身體健完豈不可保十年耶天假十年則成敗間當一舉卿宜密與同志者議之予嘗以爲與我共此事者其死虜家子孫也其餘則難矣予嘗於萬壽殿經營時引若干人微說此事以試之皆漠然不以爲意良可痛也諸臣惟日前富貴是圖或恐因此而國亡家覆故言及此事莫不寒心予空自慨歎而已臣起而對曰殿下酒濯心神心念一以此事爲主則諸臣亦豈無忘身徇國者乎上曰凡事當與卿密議之矣第目今天災時變如此夫不當爲而爲者固致變異當爲而不爲則亦宜召災昔晉武帝創業之後全无所事故妖孽之叢萃莫如伊時是知束手苟安亦致天怒况今所當爲者實是天經地義之不可已者而恬然無意則天之示警不亦宜乎今之議者皆懷懼恟或發一言則皆喪氣褫魄極可哀也上又曰予之



所以日夜勞思惟養兵一事也卿前言養兵養民不相妨其道何由對曰此乃朱子之言也臣意以為凡係財力者切勿浪用盡歸之軍需又行保伍之法使民丁無漏然後每三人擇丁壯一人為兵以習弓馬之藝二人出布以養之如今御營軍之法以兵養兵似无侵及農民之事此乃周禮之意也然先立紀綱而後此事可為立紀綱之道惟在於殿下之無私心也上曰此法徐當與卿相議矣

御札 四月日賜宋時烈

如論大事則大臣不可不知而今之大臣皆以一時之望循序以進也幹局之人未易得原平元丰不無其才而氣質素欠從容似難為精細之事沈相之源賢而無才完南李厚源多病不出有智有慮識事務領相鄭太和為然而但不欲擔當大事是可欠也然非此人則不可卿須知此意交結得其親而後可以次第論事矣

附記聞

王初以鳳林大君質瀋遇盡師請模句踐栖會稽之蹟日夕寓目而興慕焉○錦州之戰天將一負騎白馬搶突斬胡甚眾汗患之募人能擒之鮮人遂設窰放炮果獲其將而得賞千金王召其人即質館誅之○王嘗於後苑內除場立標親騎射未嘗一日有懈不幸馬逸致損 王趾嘗謂益



平都尉洪得箕曰國無萬世之國而人無滅義之人予寧首  
義西驅期掃腥染若天心未回大勳未集則予固甘心一死  
將令世子歸奉宗社迄々洋海以之栖息於毗羅地方八  
路義士如不忘先王之澤而欲存李氏之祀則國家命脉  
庶不至終絕矣○嘗教廷臣曰勿煩耳目時講武於禁中  
實為陰兩之備嘗以軍服寬博不合奔突命剗夾袖之  
制○相臣李景奭之被拘虜中也胡使來喝王曰豈忍受  
辱至此寧斬使閉關以絕之耳命訓練大將李浣伏刀斧  
手於帳後約以三回時舉事虜使諦觀王色遂遜順  
慰解而去○明人之流落者募得館養以寓無限之感

今都下有唐人洞云 皇明宮人之流落者亦留宮中時  
聞及 毅宗時事與之流涕一宮娥將死 王問其所欲言  
娥言請埋西郊他日 殿下舉義凶奴就擒之日孤魂可以  
先為知聞云 王嘗曰張良之背鴻溝約忠憤急於復讐義  
理便在其矣

國挽 臣鄭斗卿詩

鞞鼓思良將詩書集衆儒菴葱龍虎氣神武帝王圖大角  
明帝在旄頭色欲無即今流淚滿松栢遍山隅

請定世室疏

昔孔子作春秋以空言垂王法孟子列其功於大禹武王周

尊周家



公誠以其悞亂臣賊子尊周室攘夷狄之功不下於三聖之  
施諸行事也今我 孝宗大王所以立仁義之道使天理明  
而人心正天叙敕而五典惇則其深功著明範圍天地者豈  
下於春秋哉是宜加隆 廟儀百世不遷新一代之耳目使  
仁義常行五典常惇則其在後聖雖未保遽成志事亦可  
使重陰之底陽德昭著終必有亡日之復矣然則國之太平  
邦運之靈長者其不肇基於此哉書曰七世之廟可以觀德  
夫百世不遷無其禮則已如曰有之匪 孝廟而誰 相臣鄭  
載嵩全  
壽恒等因獻議力贊  
之遂以 孝廟躋世室  
○ 臣金尚憲 見上

○ 臣李敬輿 見上

○ 臣鄭太和 見上

○ 臣蔡得沂

公字詠而稱雱潭天分甚高才識超詣丙子倡義旅未反圍  
東聞南漢不守遂痛哭入山庚辰 上命調護世于大君於  
瀋陽公最見知遇於 孝廟一日手賜三詩命公和進公知  
孝廟有薪膽志遂廣進致意且密奏太公兵法 孝廟尤  
器重之日夜同處寢食與共 公之奴子亦  
得侍宿床下 每從行戰陣必  
以公隨凡有疑事屏人密議或至達曙人以唐肅宗之李鄴  
侯方之甲申陪 孝廟再入燕山見京邑灰燼乙酉奉駕



而東遂歸故山 孝廟手書賜問屢邀不就戊寅終于家

孝廟特遣人慰吊其和進詩云

外多勁敵內無人鶴取飄零瀚海濱舉目山河夷夏異腐心  
旄萑歲華新懷王羞對章臺月洪濫忍看五國春痛飲  
黃龍知有日楚囚何必淚沾巾

十年生聚越王兵一舉可屠五國城豈但我東羞怨雪却將

大義報皇京

其序畧云凡事之成不成惟在立志之如何

而能恢炎業此立志之堅篤也晉元宋高以天下之衆不能  
洗青衣之辱此立志之庸下也伏觀所製之詩辭甚激烈  
腐心受侮切齒圖報君父之羞自此可復普天之下舉受  
其賜而皇朝之恩亦可酬矣燕丹不忍一朝之忿而卒以  
七國句踐能忍廿載之耻而竟至沼吳伏願勿露聲色以取  
无益之禍所可憂者漢朝無人勿愛千金買死馬骨得沂國

不足禪補萬一倘蒙不棄豈憚赴火承  
此和進之命不勝感激之至云耳

臣宋浚吉附

公字明甫號同春恩津人丙子構成公見鄭公蘊園中三劄  
每為之三復流涕語人曰鄭大夫雖不幸不死國之所賴以  
為重者此人既而從山路訪鄭公自是杜門不復仕累召終  
不至甲申聞 皇帝凶音與士友會山社舉哀 孝廟初有  
旨特召其告身 命刊偽號公遂一詣經筵陳說時義已友  
以吏曹叅判赴召時 上銳意復雪與公及宋公時烈託以  
心腹經緯密勿公感激知遇每筵中詳論養兵養民之要及  
上晏駕事遂解矣終始以大義為出處焉 顯廟壬子平官



至左贊成謚文正

臣宋時烈 附

公字英甫號尤齋恩津人丙子隨駕入南漢以短刀條繩自  
 隨為臨危殉身之具構成後遂歸懷川鄉舍不復出 孝廟  
 嘗訪人才於完南君李厚源厚源以公聞公有甘盤舊 上  
 遂倚之累徵不已丁酉公進囊封千餘言以正心克己養民  
 養兵之要累 及之時上銳意復讐而廷臣無有擔當者公  
 深知 上有大有為之姿乃以世道為己任極言而竭論之  
 上大喜以密札招之戊戌以叅判赴召己亥陞拜判書 上  
 遂賜獨對又以手書致意無非尊周攘夷狄復讐言雪耻  
 之謨也居數月宮車晏駕事遂解矣公遂歸山有詩曰平  
 生壯志鐵衣衣擬把金戈向日揮 龍馭忽然天上去泣將  
 遺札故山歸公於是屏居于俗離山華陽洞每 孝廟諱日  
 入深谷痛哭盡哀平生言論必以大義為主嘗語人曰我國  
 雖國小力弱不能述 孝廟志事惟當以朱子所謂忍痛含  
 怨迫不得已八字存諸膏中可也臨卒遺命門人權尚夏  
 等使依楚人祭昭王之事建祠 祠名萬東 于華陽磨厓之下 閣  
公昇重嘗使燕得 崇禎御筆非 禮勿動四字歸 顯廟命列巖厓 以祀神宗 毅宗兩皇帝

已丑封事

尊國錄

三



孔子作春秋以明大一統之義於天下後世凡有血氣之類  
莫不知中國之當尊夷狄之可醜矣朱子又推人倫極天理  
以明雪耻之義曰天高地下人位乎中天之道不出乎陰陽  
地之道不出乎剛柔是則舍仁與義亦無以立人之道矣仁  
莫大於父子義莫大於君臣是謂三綱之要五常之本無所  
逃於天地之間者其曰君父之讐不與共戴天者乃天之所  
覆地之所載凡有君臣父子之性者發於至痛不能自己之  
同情而非出於一己之私也臣每讀此書以爲此一字一句  
或有所晦則禮樂淪於糞壤人道入於禽獸而莫之救也  
欽惟我太祖高皇帝與我太祖康獻大王同時創業卽  
定君臣之義字小之恩忠節之直殆三百年不替矣不幸  
頃者醜虜肆虐禮義之邦盡污腥膻尚忍言哉繼值甲申  
之變皇京蕩覆天下無主是則雖曰非此虜所爲然乘時  
騁醜陵夷我寢廟穢汚我皇族已爲痛疾至於弘光  
皇帝建號南方大統有在我朝雖未有聘享之禮旣是我  
神宗皇帝骨肉則君臣大義豈以海外而有間哉何意天不  
悔禍延虜復肆虐日月所照霜露所墜凡有性命之倫莫  
不有不共戴之義矣况我國實賴神宗皇帝之恩壬辰之  
變宗社已墟而復存生民幾盡而復蘓我邦之一草一木  
生民之一毛一髮莫非皇恩所及則其在今日所以怨毒憤



痛者舉天下孰如我哉况光海無道使弘立景瑞全軍投虜  
使天下謂我淪胥爲夷狄 大行大王揭義反正痛洗垢黷  
昭如日星則一國臣民永有辭於天下後世矣重以 大行  
大王至誠享上每蒙 恩獎丁卯以後遽爲北虜所脅持幽  
鬱隱忍忠節莫白丁丑後事絕非臣子所忍言者最是助兵  
一事忍見於前而鄭廷抗禮寸鐵終無甚矣臣子一死之難  
至於如此哉嗚呼以 先王德義之感遭此大變兵力寡弱  
將相頑蠢卒未免事 皇上之深讐又不能雪臣妾之大耻  
長年掩抑神武終屈抑恐壽考之不遐未必不由於此也彼  
蒼者天曷其有極抑無乃使彼厚怨於我而基三戶之勢耶  
殿下天錫勇智威德已著皇天之眷顧 先王之付托意必  
有在固知 聖美必已默定而所可憂者一種頑鈍嗜利無  
耻之輩若曰我已屈身名分已定則 弘先之弑先朝之耻  
有不可顧此說得行則孔子以來大經大法一切掃地而將  
使三綱淪九法斃子焉而不知有父臣焉而不知有君人心  
辟違天地閉塞而混爲禽獸之類矣可不懼哉然而今日不  
量時勢輕絕強虜讐言怨未報而禍敗先至則亦非先王忍  
耻屈已以延 宗祀之意也伏願 殿下堅定於心曰此虜  
者 君父大讐言夫不忍共戴一天蓄憾積怨忍痛含冤卑  
辭之中忿怒愈蘊金幣之中新膽愈切樞機之密鬼神莫



窺志氣之堅貞有莫奪期以五年七年以至於十年二十年而不解視吾力之強弱觀彼勢之盛衰則終未能提戈問罪掃清中原以報我神宗皇帝之恩猶或有閉關絕約正名明理以守吾義之便矣假使成敗利鈍不可逆睹然於君臣父子之間吾已無憾則其實於屈辱而苟存不亦遠乎然此事不可不以殿下之一心為本必須克己正心齊其家而近忠直恢公道而明體統振紀綱而節財用革奢靡而紓民力使志勇謀明勢滿氣飽然後可以語此不然雖朝夕談之不絕於口亦徒為虛言以快一時之聽聞故朱子告孝宗曰不世之大功易立而至微之本心難保中原之戎虜

易逐而一己之私意難除正心克己以修政事則真實功效可以馴致真有志於恢復者不在於撫劍抵掌之間也又曰其本不在於威強而在乎德業其備不在於邊境而在乎朝廷其具不在乎兵食而在乎紀綱伏願殿下以朱子此說揭諸座隅朝夕觀省焉嗚呼殿下既以雪耻正義為心則一身不足顧舉天下之物無足當吾心者况宴安之樂貨利之玩便嬖之私何足以一毫後其志而妨振作之功乎如此則雖瘠聾跛廢之人亦且增百倍之氣以贊大有為之志也伏願深留聖意毋忽

丁酉封事

按封事所陳凡十九條為取簡約不能盡載云耳



臣按春秋綱目一主於大一統蓋大統不明則人道乖亂人道乖亂則國隨以亡丙丁以後人心漸晦以偽爲真以僭爲正者多矣若復數十年則正統之說當不聞於搢紳伏願殿下秉天理正人心明王道立人極以承孔子朱子之功業焉

進修堂奏劄

辛酉正月

朱韋齋之言曰君臣父子无所逃於天地之間如人呼吸於元氣之中一息不屬必至於斃此誠不可易之至論也孝宗大王痛聖考之危辱憤冠履之倒置日夜所以誓於心者罔非復讐雪耻四字而已金珠艾幣往來之中干戈旗鼓奮發之意實有所寓焉蓋嘗曰生聚教訓遲以歲月當如句踐之爲又嘗曰此與學問之道無異徐子無欲速也汲子不敢惰也又嘗曰此志強立此心清明都在於學問此孝廟所以志之大而操之要者也至我顯宗大王非不欲繼述志事不幸長時在疾事不從心臣下悠泛國勢委靡此實先王所嘗慨然者也臣於戊申筵席微發繼述之端先王亦示頷可之意今殿下聰明睿智神武不殺臣雖愚昧決知殿下足以有爲也

萬東祠

臣權尚夏製

祭神宗皇帝文曰於皇聖帝與天合德至化深仁溥被



萬國顧此東表最蒙涵育懷綏之恩實同內服歲在玄蛇島夷祭送三京蕩覆邦命流綴帝赫斯怒命將東出飛輓徵發竭天下力皇威所及妖祲隨豁生靈復奠宗社再血凡此三韓一草一木莫非皇恩展也罔極蒼桑百變天地崩圻四海腥塵九廟荆棘甲子一周香火久絕遺民思漢金痛深切念昔巴人追祀昭烈楚地私薦亦有茅屋今茲廟興古義斯則神孫作配儼一昭穆英靈在天雖遠不隔

按此祠之作是千古異舉為之議者有二歧甲者曰感我神宗哀我毅宗而以荆人祭昭王之意建祠以祀之可以報罔極之恩可以伸無限之痛此事斷不可已乙者曰禮言有功德者祀之此王者事非匹夫可議如荆祠舊俗朱夫子未嘗稱述今以外藩一陪臣乃建皇帝廟於一隅下土夫陪臣而祭天子即如大夫而祭天地至引甲申備忘中華湯洞事反覆思之終涉不便之教而為之案噫當此世道幅裂黨言務勝之日一言可否便生葛藤今且兩存其說以俟後之君子者處之

○臣李浣附

公字澄之慶州人忠武公守一之子以武進己卯舟師之後公與林公慶業同赴到石城堡宣言三般漂失而使至登州喻意於都督軍門至北汛口與都督兵遇終日交戰兩軍一



無死傷虜甚疑之我卒二人忽投海為天兵所得越翌日付

一封書遣還書中備言壬辰東征之恩及目今中朝危迫之

勢且有縛奴賊以來則分天下封萬戶等語是 皇帝所賜

文字也一日林公喟然歎息欲捲甲歸正公曰其如貽禍本

朝何 林公此舉孝廟昂之獨世于及 虜既破錦州衛更令我

軍前進登萊公辭以糧竭船壞矢死不從汗令遣還移書以

錮公公北移德源以耕牧常以錦州一行深懷慚憤 孝廟

時最荷知遇外結君臣之義內託骨肉之恩久授將領每賜

獨對論復雪事一日公在北營夜深上忽遣輿僮召公從後

苑入卧内問及修攘之策不覺夜闌乃教曰御宜與宋時烈

交歡一心公嘗曰上志決矣臣敢不盡力然獎率十萬舟師

由海路直衝心腹則可十五六成矣若由遼瀋轉鬪則難

可抵敵及上晏駕事遂解矣公每痛恨耿、甲寅卒官至右

議政

○臣申翊亮

公字君度號象峰平山人丙丁以後悲憤慷慨凡除拜一切

不就提挈妻孥轉移栖息于俗離清平等山竹杖麻屨徜徉

于雲水中間俯仰嘯咏以自遣嘗因省姊入城慎獨齋金公

集在銓席欲授公副提學公聞之亟遁平日愛吟曹南冥萬

古天玉峯天鳴猶不鳴之句輒彈指歎曰此怎麼氣象怎麼



力量蓋其意所寓也嘗貽書從兄東淮公曰當今之事若不  
務雪大耻士不可仕不務去偏黨國不可活爾遂考終于家  
朴公玄石拜其墓著感吟有朝廷黨  
禍憂方重天下兵戈業未伸之句

○臣申頌隆

公字君弼號濠梁象峯之弟丙子在江都欲自裁諸人救免  
虜揮劍督拜而終不屈亂定後與象峰公徜徉乎山水不仕  
以終官止洗馬

○臣申粵

公字粵倩號舟村濠梁之子性倜儻奇偉有蓋世之氣能  
文章善談諧放浪乎形骸之外平生懷復雪之志慷慨自奮

尤齋宋公擬於國家舉義之日直授公大司馬 孝廟薨而

事遂解每踟躕山水之間以寫悲憤一日語表弟李公元龜

私郊之孫  
號觀物齋曰平生之志在於復雪而今吾已矣悲傷不自已

未久卒

○臣許格

公字至叔號滄海陽川人丙丁之後絕意榮進隱居自怡性  
慷慨能文章有時吟咏無非思漢之語嘗送人赴燕詩曰  
海外有山吾已遊域中無帝子誰朝反卒李保晚哭以詩曰  
耻帝自稱滄海客入山猶戴大明天文章浩々江河決忠義  
堂々日月懸



臣任較

公字季由號東巖豐川人丙子聞大駕下城北望痛哭仍隱于寶蓋山與滄海許公李公永白友善每對人輒言萬曆之事曰此息人可忘乎嘗愛漳溪之勝行吟夷齊採薇歌以寓意許滄海和詩曰

我愛西河子平生節義人漳溪詩句意留待首陽春

臣任慶衍

公字善長號蓮谷東巖之子丙丁以後知國耻難雪絕意榮進常誦文山策慷慨悲吟甲申聞中朝凶聞不復向西而坐流涕言曰天順皇帝陷虜河緯地尚居外寢苦况今皇運淪喪者乎嘗著萬言疏將徹宸旒以覲道求合自悔遂不果上許滄海贈以詩曰  
大明天地一奇男義似夷齊孝似參兜時血指人多感雪笥水魚子不慚

臣申昞

公字用晦平山人丙子在江都與尹公宣舉權公順長謀糾合義旅末果自是絕意世事往家恭安之白華山下以忍痛舍寬迫不得已八字粘之壁以寓意焉孝廟初時欲議薦公公曰不死於江都城陷之日者以有家君不得私其身也既不能洗此戴天之羞沒肯溝壑是余志也諸賢知其有所守



不能強為公哀集壬辰再造之恩數暨宣廟事大之誠禮  
作書六丹名以寄憤以見東土含生沒苟不忘之義晚年遯  
跡于東海之濱以終

○臣李昌燬

公字晦卿 人丁丑後絕意仕進除翊贊不就嘗寄詩銓

相曰

繹縹西方路幾千犬羊天入淚痕邊魯連東蹈尊秦日梅福  
南藏避漢年敢望春闈陪鳳輦却來秋海伴漁舡危樓夜  
看牛斗憤氣時兼劍氣纏

○臣成汝枋

公字 昌寧人居尚州丙子以後悲憤自廢倘佯山水之  
間有時吟咏以見志詩云

三尺蛟龍劍韜藏問幾年暮塗神駿志垂泣問蒼天

○臣李保晚

公字處難廣州人遁村公集之後自號大明居士或臂蒼腰  
黃踰躡于山水之間或携琴命酒放浪乎形骸之外

顯廟

誌文 崇陵

王嘗曰予非好兵若或深思可知予意又語侍臣曰予雖年  
少否德祖宗之耻尚可忘乎凡所以崇武略詰戎兵者蓋



將默視天下之變乘機運策克紹先志焉爾

王嘗御經筵問三學士事左相許積曰此喜事釣名之人王曰事係天朝大義當如是况終能殺身踐言不可謂釣名也又曰建祠以祀如何領相鄭太和曰恐煩聽聞叅判閔昂重曰若建自士林則不可禁也王曰唯戊申溫泉建士臣李重明上疏請立神宗廟王下其議以建祠廷議不一卒不行王深嘉重明命官以廢之

肅廟

明陵附

誌文

王以天下大義亘萬古不可無者而時往事邁若將晦蝕乃於甲申春設垣於禁苑中遙祭毅宗皇帝將事之日王感傷惻怛真若眼看天地之崩裂又尙設壇於宮城北靜處名以大報歲祀神宗嘗於槐院故紙中得皇明成化年所賜帛蹟尙摹刻作寶遺命此後嗣位時勿用清國寶而傳此寶蓋將欲使萬世子孫不忘皇朝之恩也嗚呼春秋大一統之義獨我東方世守百年永有辭於天下後世此尤王超百王并三古而其義可以達天地而不悖者也

御製

者毅宗御筆正其義不謀其利明其道不計其功十四字有感辛未仲春

通下三篇即大內揭板者



宸墨分明若未乾  
龍蛇騰鶩動毫端  
聖恩如海絲無報  
不覺傷神涕泗洑

蟒龍衣詩 并序

宣廟朝 大明皇帝所賜蟒龍紅緞衣一領至今猶存宛  
然如新不任感慨題古詩以述懷焉時壬申菊月下泮  
蟒龍衣一領裁縫有短長莫云製造朴 寵貺摠恩光  
聖祖御無數有時十襲箴忍言龍蛇禍去邠何蒼忙萬物如  
脫屣此獨手提箱丁寧 天語切追憶淚盈眶嗟哉  
神宗德粉骨俾也忘天地同稱大河海亦難量思深報效  
蔑恨結負吾 皇何時舉義旅雪耻掃犬羊

附按禮陵狀云禮曹嘗以冕服長短不稱請改造 王曰  
吾皇之賜服之無數何敢改也予於壬辰宮中之物悉去  
之惟皇上之賜蟒龍衣手索提出擬於他日着此以終幸  
荷 聖恩得有今日時復披見不覺淚下云：蓋此衣至  
今猶存而 甫廟志感如此云爾

萬曆御筆忠孝二字 題景薰堂

大明神宗皇帝御筆前後燕行必求覓者豈予留心於翰  
墨而然哉蓋無窮之意存焉幸得模本筆力異凡而無他  
徵信不敢臆定然念明倫堂之扁額既曰新安朱夫子之書  
則雖未信其必然而必鏤板高揭者良寓尊慕之意今茲剖



剛亦出於此云歲乙亥孟夏識

賜海昌尉吳恭周

至日見辛卯曆大書康熙五十年極是異事有感而作

俞和

胡運古來無大安人心猶憶漢衣冠白水中興何日見甲申  
追說滄沈瀾

又甲午元月初三日所賜也

新春何以祝燕氛願廓清恭運從今啓 皇朝業復明  
大報壇事實

甲申正月初十日 王臨筵歎曰今年是 皇明屋社

之一周甲也河海之恩沒世難忘尊攘之義無時可申至  
情痛刻尤不能已顧念四海腥膻香火久冷予欲建祠祀  
之以伸微誠可乎遂下其議于朝堂廷議持難泮儒等  
陳疏力請之 批有念彼 皇宗感淚沾衣今茲建祠是  
予至願等教至丁亥 皇坤始成壇名大報門名朝宗坤  
在上苑後歲祀 神宗皇帝  
備忘記

時建廟之議廷論不一 王遂下備忘記仍下蟒龍衣  
詩以示意

嗚呼先陰易逝泥灘重回天崩地坼即此歲也壽亭之事追



思淹泣不有親祀于何寓哀肆予義起斷然行之蓋所以明  
天理植民彝也嗚呼神宗皇帝再建藩邦之恩天地同大  
河海莫量實吾東沒世不忘者也今於建廟之事孰有異  
議於其間而第或以禮節為苟或以宣泄為慮此則有不然  
者所謂禮節爛漫商確務得當則自無難便之端所謂宣泄  
只在衆胥中以重律嚴加操切則豈有宣泄之患耶嗚呼尚  
忍言哉海內神州滿目腥膻遙望天壽就薦明祀嘻噫由  
是論之則今日建廟不特予崇報之誠實出於此神宗皇  
帝在天之靈亦安知不臨於東土耶尊周之義皎如日星予  
志之定堅如金石斷不可已也嗚呼延聖祖之志事予所  
勉之而此而持疑猶且不行則何以有辭於天下後世乎其  
令禮官斯速稟處而頃者儒疏中華陽洞之說反復思惟終  
涉不便亦在該曹之商量也

### 祭毅宗皇帝文

三月十九日即毅宗皇帝殉社之日時建廟之議久  
而未決王特命除蟬之後苑躬率百官以祭之云  
於赫皇明為華夷主功隆德厚丕冒率普傳十四聖式至  
我帝惟帝初服如日之揭鉏其蠹螟勵以旰宵憂勤之  
極累歎中朝伊誰恬愜召禍潢池帝曰死守義勿去之殉  
于社稷乃禮之經高穹既崩大鼎便輕虜乘其釁據我中



原禮樂衣冠盡污腥膻凡在遐通冤憤無窮而其深痛莫最  
小邦念昔康獻寔事高皇首義回旗綏厥寵光自茲世  
齊宋于周厥筐之供天褒優祖系嘗饜是控是詐爰頒其  
典我倫乃叙寇來假途辭以力斥封豕遂逞食我八域乃命  
師征以亡焉存維昭敬忠維神宗仁逮臣曾祖降帝御  
宇誓賡外攘以虔侯度兵移於我凜乎顛覆重由力屈  
非敢負德我帝我諒曰爾可傷使价之還恩命出常  
送拜于苑又牒軍門閔百罹寸衷愈丹粵我陪臣死扶  
民彛不以本朝斯焉取斯臣祖之時皇綱已淪春秋遺義  
蚤夜圖伸亦有臣同志在除雪功之未集繫心可質先父勉  
之擬述其事至臣纘緒王風寢萎碩果不生天理其無壽  
山邈矣紅閣印墟遺傳海外鱗袍雲章於焉瞻拱若對羹墻  
噫嘻甲申洪祚所終歲環日回過音餘恫相彼潢沔于海  
是流嗟我下國孰為綴旒義根於性息涵在心于何寄哀以  
展斯忱乃治其埤乃躬其祀禮雖無文可起以義想帝陟  
降臨睨下土故國為戎誰奉俎豆我邦雖陋我誠則至尚冀  
是格右此大禧

附行祭之夜星月昭森灌嬰畢忽見微雲點綴天色慘悽  
小雨一陣霖霖沾灑君臣上下莫不拔血而罷去

大報壇祭神宗皇帝文

附

丁亥三月初九日王親祭之



於赫 聖后誕承謨烈四紀光臨至化旁達顧我東藩偏荷  
恩造昔在龍蛇島蠻肆暴八路搶殘萬姓塗炭 帝時赫怒  
出師會援氛一掃邦祀再血欲報之德與天無極世運遭  
變冠裳倒植鍾鐻既移 廟貌隨燬雲鄉復邈天醉幾時匪  
風之思增我西悲拱辰雖切執壤何所爰等靈壇以寓追慕  
菲羞薄幣豈稱情禮祗將昭恪期永不忘皇靈在天左右  
降陟有感則通無遠不假睽彼中州腥穢匝地念茲虔潔毋  
我遐棄消吉齋躬式薦牲醴仗幄孔儼恍然陪衛龍旂  
日馭髣髴東狩監茲血忱尚其歆佑

御製詩

并序

今晚祗詣皇壇已舉殷禮幾年經營竟遂至願事勢所  
拘雖未準禮此固大幸也壇墀將事之除恍若玉輅東巡  
獲近耿先予懷當復如何感極于中自發於吟咏所以  
示不忘也嗟爾銀臺玉堂秉筆之臣其各和進

大報壇成肇祀親時維蚤月屬和春衣冠濟、班行進馨筦  
將、禮幣陳昔被隆恩銘在肺今瞻神座淚沾巾進惟豈  
但微誠寓竊願 寧陵聖誌遵

大享儀節 附

前二日典設司設帳殿於壇上黃帳房於壇北壁 神座於  
其內南向○掖庭署設 殿下小次於 壇東門外○設諸



享官陪享官次○設饌幔○前一日設樂○設版位於壇門

內當壇北向飲福位於壇南陞之東北向○設進奠幣瓚爵

官等位於版位後無亞終○設燎位於壇北望燎位於其南

○設祭器○設御洗○享日丑前五刻實饌具畢大祝奉絃

勝貼付於神座之版○前三刻諸享官陪享官各服其服

就外位○啓請中嚴○前二刻○啓外辦殿下具冕服由朝

宗門至壇中門外降輿左右通禮導入小次○贊引引監察

以下入就拜位四拜○前一刻進幣瓚爵官等入就位○洗

瓚爵○啓外辦禮儀使導殿下至東門外執圭詣版位北

向立○請行事○瘞毛血○軒架作景安之樂烈文之舞作

八成禮儀使跪啓請鞠躬四拜興平身殿下鞠躬止平身

在位者同○樂九成執禮曰行晨裸禮殿下盥洗詣尊所

西向立登作甫安之樂禮儀使導殿下陞自南陞詣神位

前三上香裸獻幣降復位進熟軒架作雍安之樂奠牲樂

止○進奠幣瓚爵官陞詣尊所北向立執禮曰行初獻禮禮

儀使導殿下詣尊所向立登歌作壽安之樂無上執尊舉

幕進幣瓚爵官酌醴齊近侍以爵受酒禮儀使導殿下

陞自止神位前上北向立跪啓請措圭在後者皆跪近侍以

爵授進幣瓚爵官進幣瓚爵官捧爵器進禮儀使啓請

俯伏興平身殿下俯伏興止平身在位者同樂止進幣瓚



爵官皆復位禮儀使導殿下降自南陞復位文舞退武

舞進軒架作舒安之樂樂止○行亞獻禮如初獻儀惟軒架作壽安之樂

昭武之舞作酒酌盞齊又殿下○行終獻禮○飲福受胙○復位之下無軒架作舒安之節

四拜○徹籩豆登歌雍安之訖軒架景安四拜○樂一成執

禮曰望燎大祝以篚取祝幣近侍以函奉絃勝詣燎所殿

下詣望燎位北向立執禮曰可燎近侍奉絃勝大祝取祝幣

楚之置土半坎壇司監視禮儀使啓禮畢殿下還小次

釋圭

臣謹按右儀注如設帳殿絃勝燎所等外并詳於五禮儀

廟社親享條茲竝畧之惟撮其節目中不可刪者立剛

序次而已顧伏念獻禮一節三獻并親將事體自別義重

縮芋謹稍致詳以寓聖朝朝宗之感云

御製詩并序

先陰倏忽甲申載回是歲春暮乃大明毅宗皇帝身

殉社稷之月也追思憾愴曷有其極遂以一律畧伸痛

懷

毅皇寶墨每擎欽甲申重回益愴心昏夜舫聞園寢哭曙

天思道壽亭臨中朝再造恩隆厚東土千秋感至深可耐

今辰悲且惻空瞻故國淚盈襟

今甲申三月十九日即皇朝淪陷之日也且悲且感



不能自己爰詢輔臣義起設壇於後苑春塘臺之上奉  
終勝陳牲牢宰百官少伸情禮庶無餘憾也

噫嘻今日此何辰遙望神州愴若新烏就園林壇墀設躬將  
珪幣菲忱伸一輪霽月浮懸幕五夜春臺會摺紳靈位  
共瞻餘痛切君臣孰不淚沾巾

### 建廟事

莫須建廟更持疑德海息山忍忘之况是重丁皇祚絕永  
懷一倍黍離悲朝宗大義伸無處崇報微誠烏在茲豈但  
平生吾願遂寧陵志事庶幾延

以神皇建廟事特下備忘詢諸大臣矣事多難便不廟  
而壇雖違初心幸莫大焉蓋禮之親享歲一為之而有  
故則攝行丁亥

苑外治壇墀高門揭大名

後苑西牆新作步輦  
出入之門命名朝宗

尊周心愈炳

崇報禮纔成自此無遺憾從今展鄙誠年親享日揮淚望  
神京

大報壇大祭連歲攝行曷勝缺然脚病雖未瘳今春大祭  
親行矣

皇壇歲一薦精禋於此區、悃少伸行步雖艱何所恤每瞻  
黼座感彌新

因覽春秋有感



草因筆削聖心光尊攘竄為一部綱周室衰微猶切愍中原  
淪沒矧堪傷誦經講義今惟久雪耻除凶詎敢忘昭烈慨然  
流涕意使人千載感歎長

題句踐嘗膽圖

忿然思雪耻廿載一心營取膽長懸座治兵却務精果能吳  
釁伺終得越謀成有志虛消日對圖氣不平

題趙孟頫八駿圖

松雪多才藝八駿畫愈工聞時疑動鬣帝處若嘶風初得遼  
陽市偶來紫禁中每看題卷內感慨意無窮

題荆軻大鬧秦宮圖

燕丹建壯士西入犯強秦督亢縋開匣鉛鋒已近身鹿盧忙  
負拔手搏正紛續欲識荆卿勇畫中目尚瞋

題崇禎御筆福字障字

吾皇神畫古今高政似鸞翔又鳳翔翰墨一臨何璀璨滿樓  
丹腹畫光焰

謝使臨昌回自燕都召見便殿遂賜一絕

十年薊北乘軒亟道路山川歷々記甲申去歲重回甲應見  
華人盡拭淚

皇明英烈傳翻解舊本疎畧太甚故命僉正沈廷輔仍改  
諺譯訖自題四絕使觀者知所以興感不忘云



天生聖主濟蒼生嘉瑞同符夾馬營手提三尺草萊起掃盡  
腥塵寰宇清

長孫同德汗青譽朝罷深宮賴輔助倉卒軍中頻忍饑備嘗  
艱險少寧處

高皇錫我朝鮮號禍慘龍蛇孰再造侯度恪恭三百年如天  
帝德若何報

忍道孤城月暈年自茲不復更朝天痛哉申歲今周六故國  
無人薦豆籩

偶閱篋笥得一古紙乃 孝廟潛邸西狩之日具鑒製呈  
之四韻則甲申首秋也延憶往事不勝憾愴遂用其韻少

伸下懷

龍潛昔日幾西遊九載風塵滿御輶故國山川回首迥殊方  
道里啓行悠悠惟聖祖無窮意長望神京不耐悲小子今辰  
是往事心肝摧隕涕空流

敬題 神宗皇帝御札御筆下方

神宗寶墨求之頻今日那圖幸得真盥手獲擎光彩動焚香  
一展感嘆新雲章璀璨起千古天札諄勤諭輔臣短律揄揚  
何敢望流傳但願萬千春

敬和皇明宣宗章皇帝聖製早朝詩 并序

偶於靜攝中得石刻 乃宣宗章皇帝御製御筆早朝



詩也獲手擎來不覺涕下沾衣遂取精綃模出一本訖

命宗臣西平君撓寫下方作障子并與印本珍藏而眼

皆如此得此至寶而不能玩又不免倩書是可恨也崇

禎紀元後九十一年戊戌冬十二月壬申題

惠風乍動拂朝衣爛漫春光滿紫微黼座端臨天日表簫韶

樂奏鳳凰儀門前花柳迎春仗殿外香烟住彩旂廣韻此辰

悲感切奎章御墨寶良稀

隆武堂銘

美哉小殿臨彼會祥初月暉暉八松蒼二萬機有暇緩步登

堂志氣泰然百憂都忘迨天末兩修我自強時命貔貅萃試

禁場安不忘危治可久長克壯厥猷廓清四方

附記聞

王以武畧不競為憂郊幸每操練江上又閱武後苑以試才

命羣臣議定防胡陣法 命刊大明集禮親製序文以寓感

漢人之流寓者廩其身而用其子孫 王嘗曰春秋大義

是予家法此義一晦人而歎矣 筵臣嘗因講朱子書至義

理無限歲月如流之語遂進曰即今國耻未雪 聖謨未展

而仰看 天顏已非昔時王為之愴然嗚咽 王嘗臨筵教

曰我國之於皇明仁深澤厚萬世難忘丁丑之舉不得已

也復讐雪耻固非朝夕之所可期而至於疏章之間亦未聞



慷慨之言 神宗罔極之恩有若全忘心常慨然 甲申三月備忘記曰嗚呼今十九日即運移 皇朝之日退先朝不世之渥念 列聖服事之誠只自嗚咽昔我 仁廟當天翻地覆之日猶不廢熏香望闕之禮今丁此日豈不設祭耶此心耿耿消鑠不得其令禮官議大臣稟處

臣朴世采

公字叔度號玄石羅州人高麗直臣尚衷之後嘗以丙子舍痛飲恨晦遯草莽餘四十年遭遇 甫廟旌召沓至辭章日月不循時例及其赴朝 上命於告身特刊年號公仍進萬言疏大意以為枕戈嘗膽不昧乎大義蓄力相機以善其後圖苟不能然是將冠屨倒置綱常斁絕國不為國而人不為人云蒙 上殊過位至三事而薪膽大義平生以之至乙亥卒謚文純

書札

萊山啓本

啓有吳三桂鄭錦擁立 毅宗第二子改元周啓之語

聞之不覺感涕汪然

其已傳檄日本而不及我邦雖傾江漢之波不足以雪此耻憂憤之極行將自病矣 屛覆反以兵檄之不及為幸台旨大抵謂當世之計如欲倡義歸正則事未必成而先受大禍愚竊以為不然也我國西北沿江莖千餘里列鎮防守而設屯田募土兵為禦虜之長策嘗聞玉城張公之論不過得



五萬兵可以辦此如或不幸充斥預令邊郡清野保險各活其民而惟我君臣遷國入海與皇朝協力則不過數年讐虜自滅矣今天下大亂王室中興荆楊遺氓舉我執爨先驅願為朱氏死此正我東沫血自誓贖前愆垂後法之一機會丙丁出城尚可諉之後圖今失此機了無自新之路思之凜然惟當以夫子之告哀公請討孟子之勸滕文苑守者為法苟其上告旁喻而枘鑿不入奉身而退以清吾心而存大防宜無所不可也今見中國有恢復之勢而海邦便安永作夷狄之臣妾其責實在於執事而有些持疑米恐計不先定後悔莫及而好議論者必且滋惑也

與九齋書  
甲寅

### 答金樛書

海內思奮英俊雲興而獨我東方莫敢窺鴨綠一步徒自困於私閫中夜思之不覺氣塞

### 答尹子仁書

北方有事足令跛躄者奮起然於平日一無綢繆之備安能為修明義理之本耶第增激昂

### 答金幹

庚申

前有枕戈之懇後有冠屨之義士苟有志於當世雖其卑微亦未始不相聞則向來先輩或處或出其歸皆致謹於如此未鄙劣二十年間未嘗一脚出門以竊自附於君子



之道矣

答李季成書

楊經畧去思碑謀所以再立今日尊周大義無所託寓此又弁髦之重可痛傷

與金久之壽恒

大義一明規模先定則成敗利鈍雖難延覩而於君臣父子之間卽可以無憾矣與其宴安鴟毒之患日滋枕戈嘗膽之志日忘重爲朱先生之罪人豈可同日語哉此世來所謂今日之患不在力小兵疲而在於不通春秋之旨久之今過皇城未泰必油之不知大江之南尚有朱氏苗裔能繼周漢故事否徘徊涕泣將有慨然於懷者必欲聞古人復讐之義以究文正公忠義之傳矣

臣尹拯

公字子仁號明齋魯西公宣舉之子丙子虜難母李氏殉節于江都公遂矢志自廢平生蹤跡未嘗一及城市兩朝徵辟位至台鼎而終不出嘗次淵明歸去來辭曰冀公私之一洗時廢食而忘衣奈天運之蹶戾悼精衛之力微人生荏苒歲月流失三年泣血廿載衡門云臨終戒門生不用北來物襲殮

題吳忠烈集



鳴呼南漢之事苟忍言哉國勢不振人心恬嬉生於其後者殆不知有當日事若徵此編之存其不至於日遠月忘而甘心於左社者幾希國家欲緒述孝廟之志事以明天理民彝於百世則此編當為指南矣殘喘雖垂死願且扶目而見之云

英廟

御製詩

登西將臺

歲庚戌上展掃寧陵回駕入南漢述此詩命諸詞臣皆和進焉

回駕直登西將臺君臣說往日昏來念然慷慨不能抑惟有善承善繼哉

備忘記

噫歲月寢久人心狃安予嘗慨然而發嘆於筵中者今觀幼學李挺楷所作詩義則不覺擊節慷慨嗚呼年少儒生若非恒存尊周之心則其形於辭者如此乎噫嘻大明吾東可謂不泯矣其在獎一人樹風聲之道可無特息乎其令諉曹不計年限即付齋即以表予意原文留中付諸壁右而覽焉

春秋講畢日景賢堂宣醞

昨夕講經已訖工今辰宣酒一堂中春秋大義感懷切追憶  
送年倍予衷



尊周錄卷之四

尊周錄卷之五

思漢歌詠

嗚呼 皇明仁恩偏洽我東感慨想念既沒世而愈不可  
忘真所謂其息在甬心而甬死在甬子孫者恭惟我 列  
聖悲慕之意溢乎中發之詞章而播人傳誦者甚盛降自  
章甫爰暨里巷亦莫不謳吟而寄憤是皆原於物則民彝  
而不容泯者茲加編輯欲使忠義之士有所感發而聞見  
諛甚更有待於博采云甬

列聖詩篇

各錄薪膽篇中



丁卯在江都聞胡差請削 天啓年號

鄭蘊

吾東奉朔幾十齡削去 皇元不忍聽廟議正當援義斥微  
臣猶恐費和成王師退步渾忘戰猛將臨危最欲生畢竟  
中興誰可辦箕封免作左社氓

有懷

宋史曾看賣國人不圖今日姓皆秦朝廷自謂奇謀足司  
直空勞短劄陳風雨小庭搔客鬢夢魂中夜統萱春可憐  
杜甫誠愚矣稷契當年誤許身

雨中書懷

春雨和烟鎖海幾客窓孤倚苦低眉平生不學兵家事今

日羞聞媚虜辭

題天啓新曆

免魚東土是誰仁喪考悲均率普民天啓新元神繼聖皇基  
鞏固億千年

偶吟

揮刃初期一死過如何殘命尚頑然仲連孤潔終難跂元亮  
田園可省愆

偶吟

憶昔壬辰年蹙輿亦蒼黃臣有奉庭哭君能越膽嘗天  
師終掃蕩神咒快重光今日朝廷上何人辦得強



聞引見弘立 丁卯

降虜宜明戮 楓宸引接早甘言  
寧足信大義已先遺河上  
王師老圻中 狄馬馳朝廷  
幸無事喜色溢雙眉

聞左相吳允謙與胡差同盟

黑牛兼白馬 腥血滿盤殷  
相國無脾病 謀臣有喜顏  
侏儻談禮式 犬羊雜衣冠  
東海非難蹈 朝門望眼寒

述志

金尚憲 時被拘瀋中

人生善道此為難 達士分明識  
透閑節義綱 常扶植際能魚  
取舍重輕間 鍾儀確室琴聲  
悉蘄武天山 鞞乳艱一片素心  
如可表汗青 何慕衮華班

次崔暹川鳴吉韻三首

憶在先朝際 太平農桑四境樂  
此生靈臺一夕妖星動 溟海  
千層駭浪驚 再造三韓蒙  
帝力東回百折抑 宸情誰  
知未死孤臣在 萬里年一出塞行

又

誰使鐵輪旋我頭 萬苦莫如今  
日憂憤快東溟 亦難瀉死悌  
九泉應未休 天意茫茫問無路  
禍機歷歷來有由 蒼梧山崩  
鼎湖竭滿眼 血淚迷神州

又

衣袖河梁別 淚班壯懷投  
老愧嚴顏 踈狂計策終無補  
悲憤



詩詞認可剛故節盡凋知歲久長身難屈任腰頑春風邂逅  
同歸處一笑從今說險艱

次蔡雱潭得沂

朔庭氛祲未着消南國山河去路遙病卧蘓卿凋故節苦吟  
莊鴛惱寒宵風塵莫道形容悴男子由來意氣饒誰挽天河  
一曲水倒連滄海洗全遼

悲憤五首

洪武曾修萬里城不教邊塞虜塵生如何漢道猶全盛一榻  
容留軒睡聲

又

兩宮當日下南城萬死羞同此虜生白首如今送燕獄仵瞻  
銅輦泣無聲

又

奉節朝周昔作賓皇恩如海到陪臣天翻地覆逢今日未死  
終烏負義人

又

中原為主海為賓萬國蒼生共帝臣三百年來恩澤厚臨危  
效節幾多人

又

馬湖龍沉隔上賓滿朝冠冕盡逋臣欲求前後從容死共說



張春第一人

次金叅判伯厚

鐵馬胡笳山海月紅眉戰血漢宮春諸侯不赴驪山約空憶  
秦庭痛哭人

又

消息初傳海外臣欲傾悲憤瀉天津白衣王子竄荆棘紅袖  
宮人啼縞巾

次鳳巖

欲向蒼天問是非天魔不許款天扉何當化作冲霄鶴長統  
先皇御座飛

次遲川二首

十載羞顏戴一天幾時同德奮三千檀城日落烟塵黑極目  
燕山何處邊

又

愁聽荒鷄半夜聲遼河風土恨難平書生筆力慙無用誰慰  
天朝九廟驚

感懷

死者遭慘酷生者受困辱身辱不足說國耻何由雪緬懷千  
古上其人不可望余生生苦晚俯仰徒傷惋  
可恨吟



可恨又可恨今天下拙訐謨之失宜大命忽中絕豺虎處都  
邑冠冕倒靴襪偷生竄身徒錦繡易短褐野老暗吞聲官  
兵多委骨萬姓寄鋒鏑何忍獨苟活皇天亦不仁父亡子  
不恤可恨又可恨滔天起抄忽民力最所惜費用宜撙節  
罔念稼穡艱山河代無逸閹尹作河衛倭幸爲傳說高皇  
萬世業一朝同棄物太子及親王倉卒不得訣中華臣子  
痛反爲敵讐悅可恨又可恨夷言喜轉眄趨騰誇馬足辛苦  
笑露筆深思翻覆理得在創前失海內多賢藩周社應  
再大老載渭獵遺才收點瑟中興并宣王三捷見一月  
江南消息斷寸心增菀結所憂非吾力憂端幾欲輟自然  
從中來真性無假說首陽邈難登隨處有薇蕨我屋石室下  
歸騎何時發虛奏鍾儀音飽餐蕪卿雪威弘久未弦寶劍空  
在室羈形外銷鑠憤懷中激切胡無百年運理豈後世屈  
時聞達權論未終心已踈瞻彼赴海波日夜長汨：可恨  
又可恨此恨終不滅

呈清陰

李敬輿

握節西來愧漢槎不堪垂淚渡遼河窮荒萬里春無主碣  
石千年海有波東土卽今誰魯仲中原從古憶廉頗胡天  
昨夜旄頭落幾處王師奏凱歌

在瀋狴聞虜人祭天地頌赦



正當詔諭江南日却幸身幽塞北秋雜種敢安稱帝號皇天  
豈肯享園丘真人已據龍盤險遺老難堪鯨羞拵棘孤臣  
遲一死更瞻黃道洗復眸

感懷

一望燕京百歎嗟兵塵漠漠暗山河眼中未見胡兒盡天下  
虛稱義士多已恨漢儀俱變易豈知周禮亦消磨金陵  
佳氣無時歇清廟生民吁再歌

次崔遲川

淚盡秋風碣石邊興亡何路問蒼天長城不改千年險寶曆  
曾期萬世傳函谷有反經楚炬八公無樹却秦鞭 高皇  
社稷今如此海內英豪得安眠

留別清陰

高名大節日爭輝白首燕山鎖北扉不識瓦全還自愧謾將  
裏淚灑征衣

有感

金甌一缺竟難完萬事都無寸念閑惟有故山松柏路年  
寒食夢中還

聞胡差入京流涕而作

羶幕車相接皇華路未通漢儀終必復胡運屬將窮不有臣  
吳辱寧收伯越功江南無寸鐵撫劍向西風



又

無人終免死有國孰長存興廢一時事綱常萬古尊  
還慚東蹈海寧望北回轅鳥語三韓士毋忘再造恩

夜坐清心樓瞻望 寧陵感懷二首 宋時烈

吾君德義孰能追江閣寒宵窮語時白首舊臣惟我在  
蒼梧古木為誰悲天心仁愛災妖為故老憂傷血淚滋  
坐久月沉陵栢暗不知何處跪陳辭

又

聖朝遺恩血泣建存亡危迫此何時當年薊北金戈計  
此日陵前石獸悲天下腥膻誰掃盪鏡中容髮落華滋  
還思虎息從秦繆更誦閩翁感事辭

過南漢城有感

尹宣舉

天地如何至不仁忍令胡羯血吾民存亡且莫全  
歸數勝敗從來豈匪人溫祚古城餘七里段文新刻  
屹三津傷心東國十年事痛哭中原一漲塵

過三汭浦有感

生憎江水流依舊丁丑春羞去不埋長恨人心還似水孤舟  
更渡廣陵津

拜石室歸路

漢賊終知不兩存誰將殘蜀抗中原若將成敗談時義萬古



東周亦可論

贈別洪沂川命夏西行

李端相 字幼能  
號靜觀

送子西行淚滿中西関此去暗腥塵人間不改龍灣路天上  
誰烏鳳詔臣花月至今虛照恨樓臺依舊摠傷神何當更續  
昇平事共泛蘭舟淚水春

讀明史有感

手閱青編味轉深百年興廢卷中尋誰懷管葛擎天志運入  
金元掩淚吟歷歷可知前代迹時時得見古人心重恢大業  
吾王事自辛躬逢聖世今 時孝廟銳意復雪故云  
別永安都尉洪柱元燕行

神州莽蕩陸沉哉萬里腥塵碣石來試上金臺南極目日邊  
猶有彩雲開

立春日有感 戊申

漢祚中天那可料晦翁斯語泣千春江南此日皇家運三百  
年來又戊申

有感偶吟呈宋尤齋 甲寅

南極浮槎海上来紅雲一朵日邊開千秋大義無人識石室  
山前痛哭迴

寫憤二首

四海風塵暗中原戰伐停天何今日醉血已十年腥寂寞金



培色依稀白馬刑 鍾陵一片土松栢自青

又

南宮陪法從簪筆共周旋 威儀非漢日風雨接燕然 主辱  
臣宜死時危算出權非無鳴鈞志 孤繫奈邦偏

亂後志感

蔡聖龜

字用九 號知非

三綱已絕國將傾 公議千秋愧汗青 忍負 神宗皇帝德何  
顏 宣祖大王靈寧為北地 王謨死不作東窓賊檜生野老  
吞聲行且哭 穆陵殘日照微誠

挽友

憶曾風雨鎖孤城 天柱摧殘地軸傾 我忍獨苗看丙子 君能  
先逝守崇禎 人情自古皆哀死 時事如今孰好生 若到雲鄉  
朝 列聖善為辭說莫分明

贈金自珍燕行

沈東龜 應教

行人萬里幾西轅 玉帛傷心舊路存 易水悲風來擊節 新亭  
感淚落離樽 十年閔笛干戈動 四海兵塵日月昏 君去試看  
燕地壯山河 猶帶太平痕

還鄉

已卯胡勅至公以持平不肯 赴郊迎之班罷官還驪州庄

曹漢英

曹子還鄉日 崇禎十年秋 羯胡稱帝救冠蓋 拜氈裘 歲暎  
身仍病時危 宦亦羞 故園松菊在 只合早歸休  
見新曆有感



青丘日月本皇朝帝朔東頒二百年曆象亦隨人事變今來  
不復記崇禎

感吟

洪命夏字大而號沂川

南來消息自沾巾一脉猶存絕海濱萬里風濤辛苦客可憐  
終作未歸人

敬次大報壇 御製韵

尹拯

先王威德國賢親 聖帝隆恩亘萬春義奮尊攘遺志在壇  
崇報祀縟儀陳 宸章特揭昭如日感淚空流濕滿巾忍痛  
舍寃死後已羣公可不一心遵

感咏

許格

中宵起坐衆星繁歷々皆知北極尊開闢從來幾宇宙帝王  
今古各乾坤君臣忍屈崇禎膝父老猶舍萬曆恩青史莫論  
當世事天無二日伴尼言

燕京志感

金錫胄

字斯百 号息庵

英皇往迹足堪傷欲說崇禎更愴然社稷于公真一介乾坤  
申歲是何年煤山閣毀惟衰草天壽陵空只冷烟堪恨絳衣  
無繼烈幾時曳葉起葢顛

感咏

甲寅萊山啓中入來 公陳疏請起義復讎

羅碩佐

遙聞白水起真雄已覺杖氛豁薊中九重誰奏春秋義一疏  
吾陳感慨衷志切答胡同賈子才疎繫越愧終童可憐今日



金臺廢回首神州淚滿瞳

感吟

尹推

玉帛皇朝混一初中蒙再造百年餘非惟大義君臣定更覺  
深仁父子如丁丑喪亡堪耻辱甲申淪沒便丘墟卧薪嘗膽  
三王志萬歲千秋恨不除

尊周錄卷之六

尊周錄卷之七

寄憤後叙

嗚呼環東土數千里昏陷於無父之罪夫田橫一壯士  
猶守死不辱魯連一辯士欲蹈東海死堂、大國胡無  
一人烈士言念及此不覺眦裂

三首

申昊

曾在龍蛇出狩日鑿輿顛倒鴨江濱若非漢帝天威赫千里  
省鳥錢休人

又

吾東禮義素稱華此日還漸拜醜奴濟、衣冠猶舊貌北望

尊周錄

卷六



齊祝小單于

又

隔垣鐘鼓日喧々來攬幽人午夢魂却嘆年年々郊外路還將  
天樂引胡謠

感吟

成汝枋

風雨驚前日悲歌白首年無人知我意明日又蒼天

請立神宗廟疏附

李重明

伏以臣志在尊周淚逆思漢平生感慨不越乎此安敢囚舌  
於求言之秋嗚呼神宗皇帝壬丁年拯濟之恩窮天地亘  
萬古而不可忘者嗟呼園陵灰燼香火淒涼如在之靈

尚何所依明、陟降無往不在而曾樹大功德於我東則  
靈其眷戀於我東審矣伏願思吾東再造之恩追先王服事  
之誠擇地建廟俾禱祀以長存則不惟舉國之人皆懷悅服  
宣祖大王在天之靈必悅文孫之繼志矣臣嘗聞周公告  
成王曰以功作元祀蔡沉引祭法而釋之曰能禦大災則祀  
之能大患則祀之臣子之有功勞者尚且祀之况帝王之有  
大功德者可不立廟而祀之乎議者必曰先聖賢之有之古  
帝王之祀未之聞請援古以證之堯德協和萬邦而中國立  
祠以享之禹功永賴萬世而吳越設廟以享之今神宗之  
功德於我東不在堯禹之下而可無享祭之所乎臣又聞蜀



人立祠并奉昭烈孔明今若立廟又當以楊鎬李如松等配  
享之乞聽臣言以慰北民謳吟之思

按此疏實出  
思漢之誠也

題羅顯道良佐長星詠後

尹拯

吾輩含冤忍痛頭戴一天而相與悲歌慷慨於垂死之中者  
即與文山之滯燕獄何殊而尺吐出胷中憤懣之氣託寓於  
一場空言者亦與其夢中好事相符矣嗚呼悲夫

麻浦志感

吳尚濂幼清

麻浦胡書碣山城憶解圍徒聞千乘國未見一戎衣將帥無  
籌策文章有是非朝宗迷舊路江漢欲何歸

補遺

聞南漢山城被圍丙子

趙相禹字夏卿  
號時庵

南漢孤城月暈同不知誰手持重瞳解圍未見陳平詐詐楚  
還思紀信忠三道大軍隨電滅百年高觀逐烟空遠瞻斗極  
頻揮涕雄劍龍鳴出匣中

聞南漢解圍

南漢城非遠難知消息真咸昌傳吉報文義暗腥塵白首登  
西嶽黃昏拜北辰鯨鯢未能斬愧作丈夫身

題曆書後

天地初回第一春白頭驚嘆遠遊人崇禎猶得看丁丑火  
統何烏滅戊寅皇帝聖朝元是改小臣愚昧識非真蒼昊試



嗷容成鬼今日丁寧教罪嘆

傷時

沈之漢

字子章  
号滄州

南漢當年和好成太王皮幣烏蒼生數三胡羯來燕塞十七  
朝紳入鳳城五道凶言終出口滿庭羣策寂無聲茫天意  
高難問按劍中宵氣不平

送李省吾惕然書狀之行

遼河長路入燕城易水悲歌萬古情烏訪屠中擊筑士祗  
今能有幾荆卿

自延安府將延北使於平山站病中不勝興歎賦此仍投  
紱而歸時維丁酉三月也

事之犬馬又珠玉一一難堪空欲新仍想前朝皮幣日幾多  
剃髮入山人

又

恨未魯連蹈海死却思元亮賦田歸春風芳草平城道滿目  
山河帶夕暉

寄九齋

李一相

白日西郊綵仗還中原消息泣龍顏忠臣烈士崩心慟應在  
窮山絕海間

過三田渡有感

金播

鬼哭連城日欲冥山河羞帶犬羊腥單于臺下千官淚遍灑



春原草禁青

述懷

崔溥

號錦南

挑燈輟讀便長吁  
天地間無一丈夫  
三百年來中國土  
如何付與老單于

見舟師西向將入寧遠賦此一絕

李昭漢

字道章

棹曲驚心不忍聞  
回頭脉脉向彤雲  
歸來掩淚看遺集  
半是先朝事大文

尊周錄序

竊以天下之義莫嚴於君臣之分亦莫嚴於人獸之別此仲尼所以作春秋而揭尊周攘夷之義者爾繫我朝鮮嘗蒙箕疇之教蔚有至道之化其遺風餘韻久而不泯是以唐補君子之風宋嘆禮義之俗而若其忠於大邦則如羅臣之奔蜀麗王之密奏者其亦庶幾於尊周之義矣逮我聖祖建義斥夷首尊京師既立國開祚而聖繼神承秉恭摠誠二百年來如一日矣皇朝所以垂眷佑者實無間於內服其雪先誣而恢舊邦秋毫皆帝力雖慈父之比赤子尚無以進乎此者嗚呼此息此義人豈可以忘之不幸陽九之會孽虜猖獗



而天下靡然甘心被剝焉惟我仁廟奮義敵愾將興問罪之師平城之圍奄急而廟社先陷則噫嘻三田之辱尚忍言哉而其它東之誠固不渝焉于時二三陪臣或就柴市或守西山炳烺忠義貫日月而聳夷夏不以本朝斯焉取斯及至於我孝廟御極含痛窮天新膽愈苦而中途薨殂大義未伸緇述之責今在我當宁矣唯克遵遺志有先前烈而天心不悔北庭無蚌區、江南又自刳斲則將何所修克酬聖志之所願欲哉況歲月浸久舉世偷靡不復知大義之為何物則祖宗在天之靈想亦戚、於冥、中矣恭壽屏迹窮山幽憤耿、乃與同志謀曰精衛木石縱無填海之期天地網常實有晦絕之憂今使我聖天子生成之恩數爰暨列聖志事諸賢義烈志士嘔吟畢竟湮沒不照人耳目此吾輩責也遂閉門專精廣加采摭積以歲月成了一部書而若夫後編修攘之宜亦非敢務為大言誠有得於仞屋之餘而思所以叶贊聖謨之萬一云爾仲尼所謂知我罪我者實有感焉嗚呼痛哉崇禎再丙申三月既望臣完山李泰壽泣而謹書

壽願嘗從先師於始安東止谷時先師將著是書命壽願相後壽願敢不盡心編紀既具先師將更加潤色就醫遷次有不暇焉乃以全編歸之壽願使得釐整成緒壽願遂



極意揣摩上下修潤間有增損不一而若其大旨要義亦不敢有所違也噫此書也明君臣之分嚴人獸之別有可  
以俟聖賢而不惑揭宇宙而不墜其亦東國之一春秋也  
先師嘗言邦人之招免被剝是諸賢尔和之功邦人之復  
見文明是列聖薪膽之烈然則今聖后所以扶天經植民  
彝致國祚之靈長者而此書未必不為萬一之補矣歲丁  
未五月既望 臣 李壽瀾謹題

擬上尊周錄疏

伏以臣簪纓舊裔蓬茅賤品少業經傳志不信道而反身之  
術無得焉晚就公車文不佻俗而致身之願莫遂則即是天  
地間一蠢聖明世棄物特以傾葵之性原於天獻芹之誠功  
於心且其事閔君師義建天地而有不容息嘿無言使之泯  
滅者則臣請忘僭冒死為殿下一陳之竊惟春秋之義不過  
曰尊周攘夷而已周之不尊則君臣之分紊矣夷之不攘則  
人獸之別混矣仲尼所以明君臣之義嚴人獸之別者此實  
天經地義之所當然民彝物則之所以然其開萬世之太平  
而揭百王之明法者吁亦至矣唯我箕封世遠疇教羅氏千



年文獻莫徵麗朝五百風雨晦冥則尊攘之義固不可與議  
於其間而天開景命 聖祖龍興當漢陽定鼎之日值洪武  
繼天之運尊中華之正朔而梯航輸琛慶左衽之舊俗而冠  
冕佩玉秩視親王義均內服以之還我數千年前仁賢之風  
以之啓我四百年來禮義之化者實由尊攘之義以基之耳  
恭唯我 列聖式遵大義世恪侯度齊宋于周大一統之義  
著矣小中華之稱美矣及至我昭敬大王秉恭據憫愈懇愈  
切唯其貞誠上格于天肆致我 神宗皇帝頒會典之新書  
而雪先系之污紱發天下之兵糧而拯一方之塗炭環東土  
一草一木無不是帝德之所涵濡者其生成之澤顧復之恩

淪人肌浹人髓而亘萬世不可忘者則此豈止為尊周之義  
而已哉逮夫皇運際訖建醜搏噬而 仁祖大王不幸當此  
世矣而其敵愾之義已著於親征衣之教必東之誠不鮮於  
受圍之日而帥臣失守廟社先陷則計出姑息志在後圖聖  
心耿耿神明可質于時彼虜辱我 宗廟拘我儲聖使我任  
臣妾之羞使我絕父母之恩其戴天之讎窮天之怨原天理  
即人心而歷萬世必可報者則此不但為攘夷之義而已穆  
、孝廟間閔百罹塗遠日暮至痛在心罔曰國疲罔曰民寡  
惟至寃深讎必思洗雪唯天經地義必思昭揭其所以養十  
萬之精炮積十年之揣摩而直以恢皇祚於宇內彰大義於



天下為計者聖心皎然日揭而星朗也聖志毅然雷厲而風  
發也唯天不佐大運其去而創業未半中途薨殂此聖子神  
孫茹痛窮天而皇、甫廟寔承遺志金珠皮幣往來之際卧  
薪嘗膽之意常寓於其間志感於憐龍衣之揭虔於大報  
之享其尊攘之義既契乎仲尼之旨洗雪之圖允符於孝  
廟之烈至誠可以貫穹壤大義可以昭日月矣惜乎天心一  
醉北庭無衅而大志莫伸仙馭遽陟則此東土舍生痛泣無  
恨而艱大之投今歸我殿下繼述之責今在我殿下我  
殿下其果奮發哀痛日乾夕惕而切肯於不可忘之誓矢心  
於可報之懇歟其將任辱偷安玩日惕歲而歸之於無奈何

之運誥之於不可為之勢歟臣固有得士友之流傳亦或有  
聞於御大夫之贊頌殿下所以明大義痛深誓之意實有可  
以繼甫宗之志述孝廟之事而上契乎仲尼之旨者矣嗚呼  
我列聖尊攘之義既如是之先大洗雪之謨又如是之宏遠  
堂、大義永有辭於天下萬世魏、威烈亦有光於天下萬  
世而粵自有天地有史乘以來未有如我朝之懿者則是宜  
有一部成書備述聖神之徽蹟申明春秋之正義昭揭天下  
詔告萬世者而未有一人義士成了是事則此正志士仁人  
之所深痛而永歎者也臣師故諮議臣李恭壽以丁卯亦和  
臣李黎之孫受業於先正臣文純公朴世采之門其於尊攘



之義傳之有自洗雪之圖講之有素孜、乎正心誠意之學  
拳、乎正誼明道之術明春秋之首蘊經綸之具而欲申天  
下之大義秉公正之識破黨比之見深痛室中之私闕嘗言  
人道當以綱常為主時義當以尊攘為先而世道幅裂一國  
三歧黨言日熾大義日晦則吾不可以有為於世矣遂抱負  
墳典藏遯巖穴慷慨乎考亭忍痛含冤之訓啜泣乎詩人朝  
宗慨鬻之詠人之不知而怙然無悔道之不過而退然自珍  
坎壈寒飢以終其世臣年二十負笈而至其門臣所謂之臣  
曰一統已淪而宗周為弁髦三綱已墜而大義為空言余將  
託空文而行幽憤為東方萬世計耳留臣相後閉門專心三

歲編摩綱領悉具既而臣師久屬風疴就醫遷次于甸于美  
乃以全編歸之於臣而仍使臣修潤成書欲以效古人獻曝  
之誠而贊甫廟嘗膽之謨惟臣不肯未即下手荏苒之頃世  
事變異鼎湖彩雲弓劍莫攀四林冷雨几席終闕臣於此不  
忠於君有負於師而永為天地間一罪人矣臣常獨抱遺書  
含恨如結通來數年抱病窮山得有暇日料理是書上下修  
潤成了一本區區之愚實欲一徹天旒彰列聖尊周之烈  
顯先師光國之功惟一念耿耿于中而君門萬里不可徑  
入儒冠投匭又涉流弊將進趨趨為日已久仍伏念世道經  
亂人理晦絕必也汲汲為明天理而淑人心方可以救得危



亡是書所以明君臣之分嚴人獸之別者實惟爲今日之急  
先務耳况伏念臣師遺塵已經六歲潛光隱德泯沒無聞斷  
簡殘編零落不傳今使臣徒懷小嫌不止此書則既無以救  
此世道而先王之盛德大業或不能盡垂於宇宙先師  
之遺忠餘願將不免永泯於泉壤興言及此臣實痛傷雖欲  
不進其可已乎茲將尊周錄二冊仰塵宸覽此書此義固  
可以質聖賢而不惑揭宇宙而不泯則臣誠惶恐伏想我  
列聖在天之靈其必曰予有草莽臣一介能聞予遺志能彰  
予大義也其於我聖后大奮勵之新化亦豈無萬一之補哉  
臣雖無狀決不敢阿其所私而妄爲過情之論違先師謙

之本心欺聖后明之天鑑我殿下如不以臣言爲可罪此  
書爲可棄幸乞特宣明旨永樹風聲命之廣刊以壽其傳使  
夫此書此義焯然照人耳目則是將淑人心明天理名分  
得正而天典益叙亂賊知懼而王室益尊固可以救世道一  
半而河清他日且使揭此書而播之中州則其所以大有裨  
於天下亦有先於萬世者誠亦爲聖朝莫大之休矣今之  
議者皆言尊攘非今日所可辦而凡言大義者不過爲無用  
之空言也夫仲尼之修春秋不過是空文而懿訓萬世立人  
極矣孟子之距楊墨亦止爲空言而雄辯千古衛吾道矣凡  
世之淑人心明天理之功固未始不由於君子之空言則爲



此議者其亦陋矣噫尊攘之舉固不是時月之所可成而惟其炳々大義亦不容一日之泯滅惟殿下深加意焉謹昧死以聞

再疏

伏以天下之義莫大於尊攘千古以來儒者之立言垂教而明此義者獨有吾仲尼元晦而已王者之厲精誓心而行此義者亦有我孝廟肅廟是已其所以嚴人獸之別明君臣之分立萬世人極揭百王師表者至矣盡矣臣師故諮議臣李泰壽嘗著一部書名之曰尊周錄淵源乎仲尼元晦之遺義表章乎孝廟肅廟之徽烈欲以之播之萬世而有辭天下書未盡勤而病遂亟矣乃令臣修潤卒業一徹天旋惟臣不肖晚入科臼十年勞碌孤負所托只一念耿耿通來數年得整理成書仍繕一疏切冀少裨我聖后昭述之大業見阻喉



司終不得上則臣遂拒書還山乃以疏本附之卷末而更述  
一二感懷藏之中行不敢為更進計今我聖后乃以遙遠思  
孝之誠特舉 寧寢展省之儀禮經所謂思其志之所存者  
想亦耿々於 聖心矣止輦受言自有漢文帝之遺規在道陳  
章亦有張齊賢之故事臣之進言此其時矣乃敢別構一封  
短疏齎得二卷成書拜獻於清蹕之下噫是書也明天地之  
大義彰 聖神之徽烈固將起 聖后緇述之感禪 聖后整正  
頓之化區々愚忠已悉於原疏惟 殿下諫省焉折臣於此  
別有所懷朱夫子嘗言天下萬事莫不本之于君心今 殿  
下所以揚先烈而發新化者亦惟曰以心為本若其存心之  
要則敬與勤是已其心之湛虛明肅然莊齊進々焉如日之  
昇者此敬也其心之惕然儆戒確然存主之焉如月之恒  
者此勤也然其廣大規模當以大學書定其間架嚴密工程  
當以夙夜箴立其準的並乞 殿下益加聖念焉忠悃所激  
干冒至此臣不勝屏營之至



尊周錄外編附

尊周錄五編之外又有後篇一丹四編一編止三編內修

編外攘而內修之目則明大義丘大志求賢才和朝廷恤民

隱一編擇將帥鍊士卒整器械明師律固城池備封疆明陣

制二編八道制置三編外攘之目則守戰相須三路進兵技藝

長短○明大義以補南溪三說為綱曰承百世之統者有百

世必報之誓又曰華夷之辨視君臣較重如麗之於元固是

君臣 皇明之興鄭圃隱首達正議歸命義主至今士君子

不謂之背君而稱其為明春秋之義又曰栗谷謂許魯齊為

失身蓋嚴乎華夷之辨也按我朝於皇朝恩結父子不止為君臣之分在彼虜誓閑祖宗



不止為人歎之別則丙丁之耻無辭可解然而列聖世一  
念薪膽蓄憾積怨以有待焉未知天下義士可復相怨否嗚  
呼痛立大志以張子開太平之說顏子舜何人之語朱子

金石亦透之訓粟谷學莫先於立志之言為綱按亦賢才  
以程朱之訓為綱五節和朝廷以洪範皇極說劉定之范

祖禹語及宣祖大王只破朋黨一私字秀吉之頭可致於

麾下之教為綱按朋黨之為國朝害久矣其志君殉黨福

執未盡一視者稟非建極之道也中庸曰致中和天地位萬  
物育仲尼之告季氏曰子帥以正孰敢不正其要在人君  
書盡之矣其專心致講受用得盡者深有聖於聖也

○恤民隱以夏書周書有若王制之說為綱按以民為天者  
者民也足其食而保其民則斯得天矣列聖世二誠專憂  
民响嚮願復三百年如一日蓋自堯舜湯文以後未有此其

德者是人心固結天命眷顧而無疆之基可卜千年於休  
盛哉然念一種族隣之害為東民百年膏盲其原則實出於

庸布二正一人之困而害反一族一族之困害反一個餓莩  
戴路冤號于雲倘使九重親觀其實壯則少將惻然却膝

浪然出隊矣敝此弊者要在均民之田使有恒產而已○小  
註壽願按先生平生經綸大要是改軍制均民田欲使兵農

相資民國俱裕所著錄為一卷書第念均田設井不有大開  
闢世界無以行之者是朱子語欲畧見其槩於恤民之末而

其書刑行之以擇將帥有目曰論擇將之本擇將之術將  
侯夫百世而已

哭之別求將之方宿將之重儲將之法任將之道軍中材士

之數為將之誠以古人格言及兵書語列書按鍊士卒有目

曰論鍊卒之法東伍之法迭射之法亦書古今格言按整

兇械列書震天雷炮銃紅夷炮六合炮子母炮連子炮佛狼

機火箭片箭背鬼甲麻札刀兵車天墜炮地雷炮鳥銃等



鬼機之目畧書古今所論○明師律有目曰論師律之本明

師律之目附以偵牒有按○固城池有目曰論城制得失論列

城苑守之義論山城之利又有重壕設柵防灘守隘之目而

制城条列書雉懸眼羊馬墻炮樓皆論其制威言炮樓之利

按炮樓之制真是萬古良法今之為守國之策者每病都城

之闊大夫都城闊則濶矣然其可守之方只在炮樓苟使審

量地勢列置炮樓數十所用精兵四五千人一樓二十人

○守之寇至則放其炮寇去則高其枕志定氣舒坐取全勝

此豈非萬全之良制也夫○備封疆先言用土兵開屯田仍及馬政海防

船制船制以立文莊論楊公之舟以輪激水之說為綱也愚

思得船制語及俞大叔大叔通按海藩依全言造船其制左

右有輪首尾設鷓揚輪激水相勢進退首或為尾尾或為首

其逆兩四櫂同非他船之所可議而試令乘潮順風者同發

則輪船之出其前不啻香花俞令悞語全稱其為海防神咒

云○明陣制有九軍八陣之說并國朝五衛陣說并三疊陣

倭陣說○八道制置先言鎮管制仍自畿輔制置列書八道

制置而每邑書軍兵民戶穀物城堡閼阨數而此篇未盡修

按國無列鎮與無國同守失要衝與不守同其置鎮守要之

方固不宜少有疎謬而若其城堡之必錄閼阨之志記欲使

本鎮隨便運樂在城堡則或分軍張勢或保民清野在閼阨

則或植木聚石或蓄弩埋炮無非為守國之長策至於

賊所必由我所以守之地則又不免委加更張此在謀國者

善於而外此許多形便實有未盡記載者其盡心國計悉力

經綸窮有望於○守戰相須以即康節用兵說及柳西崖所

當路之君子云論守其必攻之其所必守語為綱有按三路進兵其言曰今

夫為薪膽計者固在乎義旅之一舉必待其預養西北土兵

十萬拊恤如子教訓如法方可即戎矣直路則兵車五百

集廉錄

七十一



乘

各乘戰震  
天雷一坐

精炮五萬由鳳凰城向遼東

遼東是高麗本地  
居民又是東人之

丙子被俘者天理人事定  
當有一番得力之時矣

水路則輪船二百隻精炮二萬風

汛一便直控天津以技燕京門庭北路則用精炮一萬渡江

而西控建州仍趨瀋陽遠絕其巢穴

管仲養士三萬橫行天  
下今苟有精炮十萬轉

間十里則天下其誰當其鋒者南老  
謂古月之於魚羊者良幾於吾身親見之也

技藝長短列書倭奴捷奴東人所長又列弓矢鳥銃大炮

與火箭兵車騎兵及設伏之具攻城之具皆論得失而兵車

條下感言車戰之利

按車之用大矣一可以止衝突二可以  
載糧糧兵三可以冒敵前進四可以

藏騎伺便五可以載大炮六可以底而雪弊病卒又行則鳥  
陣止則為營行師之用莫善於此論者謂東方山谿險阨不

利用車行太行之險蓋車亦行史稱李陵出塞行三十日至  
後稽山以大車為營又今金廟寺用騎戰而丙子入寇時自

瀋陽車戰大炮軍裝未抵南漢江都者無幾我固北道人亦  
作柴車駕用一牛上下山坡是知車之用無地不且況古法  
易野車為主險野人為主  
此在知兵者運用如何耳

先師嘗言周之必尊而義之體立夷之能攘而義之用行

此編之有內外即此義之具體用也愚念內編所載是

列聖志事固可以垂宇宙而不墜外編所論是一世經紀

必待夫乘時宜而可行壽頤之承遺屬今將三十年在內

編固已盡心讎校稍行世惟外編久未暇焉年來天下

事大可知爾乃於社團持被之日加意繕寫功既畢仍伏

思先師遺意蓋將以此書明大義之體用而贊 聖謨於

薪膽然則是書也不可以私諸中行猶望其萬一有補於



尊周錄

世道云歲癸亥中元巨李壽願題

尊周錄外編終





